

四庫全書

史部

欽定四庫全書

戰國策卷五

宋 鮑彪 注

楚

今之南郡江夏零陵桂陽武陵長沙漢中汝南皆其分也江陵故郢都西通巫巴東有雲夢之饒

宣王

肅王子元年烈王七年壬子

齊楚構難宋請中立齊急宋

告急于宋

宋許之子象

楚人為楚

謂宋

補王公別成

曰楚以緩失宋將法齊之急也齊以

急得宋後將常急矣是從齊而攻楚之未必利也齊

戰勝楚勢必危宋不勝是以弱宋干強楚也

言以助齊犯楚

之而今兩萬乘之國常以急求所欲國必危矣

邯鄲之難

趙成侯二十一年魏拔邯鄲此十六年

昭奚恤謂楚王曰王

元作

里不如無救趙而以強魏

仗魏為強

魏強其割趙必深矣

趙不能聽則必堅守是兩敵也

兩國相持必俱敵

景舍曰不

然昭奚恤不知也夫魏之攻趙也恐楚之攻其後也

今不救趙趙有亡形而魏無楚憂是楚魏共趙也

如與魏共攻之

害必深矣

趙之害

何以兩敵也且魏令兵以割

趙趙見亡形而有楚之不救已也

言雖有楚而不見救

必與魏

合而以謀楚故王不如少出兵以為趙援趙恃楚勁

必與魏戰魏怒於趙之勁而見楚救之不足畏也必

不釋趙趙魏相敝而齊秦應楚

應言乘此起兵耳非與楚合也

則魏

可破也楚因使景舍起兵救趙邯鄲拔

楚兵少故

楚取睢

濊之間

後志梁國睢陽注征北記南淮有睢陵梁國有睢陽南臨濊水

江乙為魏使於楚

乙魏人時居魏後乃仕楚故其譖昭奚恤曰臣居魏知之

謂楚王

曰臣入境聞楚之俗不敵人之善不言人之惡誠有

之乎王曰誠有之江乙曰然則白公之亂得無遂乎

遂猶成白公太子建子勝哀十六年建以讒奔鄭鄭殺之勝請伐鄭子西不從勝怒殺子西劫忠王誠

如是臣等之罪免矣楚王曰何也江乙曰州侯相楚

貴甚矣而主斷

謂其專決

左右俱曰無有

言世無如之

如出一

口矣

荆宣王問羣臣曰吾聞北方之畏昭奚恤也果誠何如羣臣莫對江乙對曰虎求百獸而食之得狐狐曰子無敢食我也天帝使我長百獸今子食我是逆天帝

命也子以我為不信吾為子先行子隨我後觀百獸
之見我而敢不走乎虎以為然故遂與之行獸見之
皆走虎不知獸畏己而走也以為畏狐也今王之地
方五千里帶甲百萬而專屬之昭奚恤故北方之畏
奚恤也其實畏王之甲兵也猶百獸之畏虎也

昭奚恤與彭城君

彭城屬楚
知為楚人

議於王前王召江乙而問

焉江乙曰二人之言皆善也臣不敢言其後此謂慮

賢也

慮猶疑也賢者言善已復言
之將使王疑彼思慮之也

江尹也欲惡昭奚恤於楚王而力不能故為梁山陽君

山陽屬魏
人為魏人

請封於楚

知其無功奚恤必諫
而山陽怨可以為黨

楚王曰諾

昭奚恤曰山陽君無功於楚國不當封江尹因得山

陽君與之共惡昭奚恤

魏氏惡昭奚恤於楚王

以山陽
君故

楚王告昭子昭子曰臣

朝夕以事聽命

言其
親近

而魏入吾君臣之間

以惡奚恤
之言入

臣大懼臣非畏魏也夫泄吾君臣之交而天下信之

是其為人也近苦矣

苦猶惡也
此指江乙

夫苟不難為之外謂

魏也 世外謂

豈忘為之內乎臣之得罪無日矣

無幾日也

王曰

寡人知之大夫何患

江乙惡昭奚恤謂楚王曰人有以其狗為有執而愛之

執言

其狗嘗溺井

音溺去

其鄰人見狗之溺井也欲入

言之狗惡之當門而噬之鄰人憚之遂不得入言邯

鄆之難楚進兵大梁取矣昭奚恤取魏之寶器臣居

魏知之故昭奚常惡臣之見王

此言邯鄆事在乙居魏時故升邯鄆之難

於前

江乙欲惡昭奚恤於楚謂楚王曰下比周則上危下分

爭則上安

分則不比爭則不周為揚惡張本

王亦知之乎願王勿忘

也且人有好揚人之善者於王何如王曰此君子也

近之江乙曰有人好揚人之惡者於王何如王曰此

小人也遠之江乙曰然則且有子叔其父臣弑其主

者而王終已不知者何也以王好聞人之美惡聞人

之惡也王曰善寡人願兩聞之

彪謂兩聞之是也然必以明夫苟不明則

適為江乙讒

口之資耳

江乙說於安陵君

名壇失其姓楚之幸臣按魏記注召陵有安陵應屬楚而魏策亦有同號

者別一人也

曰君無咫尺之功

元作地

骨肉之親處尊位受

厚祿一國之衆見君莫不斂衽而拜撫委而服

撫物委物

必下其手皆卑下意

何以也曰王過舉以

元作而

色言謬以

色見舉不然

無以至此江乙曰以財交者財盡而交絕以色交者

華落而愛渝

華菁華渝變也

是以嬖色不敝席

嬖賤而幸者席不及敝而

愛寵臣不避軒

避猶退軒曲輶藩車也車敝則退去今不及然

今君擅楚國

之勢而無以自結於王竊為君危之安陵君曰然則

奈何願君必請從死以身為殉

此乙辭

如是必長得重

於楚國曰謹受今三年而弗言江乙復見曰臣所為

君道至今未効君不用臣之計臣請不敢復見矣安

陵君曰不敢忘先生之言未得間也於是楚王游於

雲夢

澤名在南郡華容

結駟千乘旌旂蔽天野火之起也若

雲蜺

蜺虹也

兕虎嗥之聲若雷霆

兕若牛而青

有狂兕踔元作

犛車

集韻踔音詳趨行也若犛則羊耳

依輪而至王親引弓而射一

發而殪王抽旃旄

旃曲柄旗也

而抑兕首仰天而笑曰

樂矣今日之游也寡人萬歲千秋之後誰與樂此矣

問安陵安陵君泣數行下而進曰臣入則編席編次

與誰次如之言與王相出則陪乘陪重上也此大王萬歲千秋之

後願得以身試黃泉願為蓐蠖蓐以辟二又何如

得此樂而樂之王大說乃封壇為安陵君君子聞之

曰江乙可謂善謀安陵君可謂知時矣彪謂此非君子之言也安

陵妾婦也江乙為之謀又其卑者安有君子而美此流哉

郢人有獄三年不決者故令人謀其宅以卜其罪有罪則宅

入官故可請
卜測知之也

客因請

元作謂
下同

之昭奚恤曰郢人某氏

之宅臣願之昭奚恤曰郢人某氏不當服罪故其宅

不得客辭而去昭奚恤已而悔之因謂客曰奚恤得

事公公何為以故與奚恤

故謂設事
以探已意

客曰非用故也

曰請而不得有說色非故如何也

威王

宣王子元年顯王
三十年壬午

蘓秦之楚三日乃得見乎王談卒辭而行王曰寡人聞
先生若聞古人今先生乃不遠千里而臨寡人曾不

肯留願聞其說對曰楚國之食貴於玉薪貴於桂謁者難得見如鬼王難得見如天帝今令臣食玉炊桂因鬼見帝王曰先生就舍寡人聞命矣

蘓秦為趙合從

此在連激儀入秦後當為七或八年

說楚威王曰楚天下

之強國也大王天下之賢王也楚地西有黔中巫郡

屬南郡

東有夏州

車軌云夏口城上有州曰夏州

海陽

海之南耳非遠西郡也

南

有洞庭蒼梧

文州郡

北有汾陘之塞

陘名陵陘亭

郟陽

徐注今順

陽屬汝南地方五千里帶甲百萬車千乘騎萬匹粟支十

年此霸王之資也夫以楚之强大王之賢天下莫能

當也今乃欲西面而事秦則諸侯莫不西

元作南

面而

朝於章臺之下矣

秦臺在咸陽見楚記

秦之所害於天下莫如

楚楚強則秦弱楚弱則秦強此其勢不兩立故為大

王計莫如從親以孤秦大王不從親秦必起兩軍一

軍出武關一軍下黔中若此則鄢郢動矣臣聞之治

之其未亂為之其未有也患至而後憂之則無及已

故願大王之早計之大王誠能聽臣臣請令山東之

國奉四時之獻以承大王之明制委社稷宗廟

言諸侯輕

去其國以從楚

練士厲兵在大王之所用之大王誠能聽臣

之愚計則韓魏齊燕趙衛之妙音美人必充後宮矣

趙代良馬橐它

匈奴奇畜

必實於外廄故從合則楚王橫

成則秦帝今釋霸王之業而有事人之名竊為大王

不取也夫秦虎狼之國也有吞天下之心秦天下之

仇讎也橫人皆欲割諸侯之地以事秦此所謂養仇

而奉讎者也夫為人臣而割其主之地以外交強虎

狼之秦以侵天下卒有秦患不顧其禍夫外挾強秦
之威以內劫其主以求割地大逆不忠無過此者故
從親則諸侯割地以事楚橫合則楚割地以事秦此
兩策者相去遠矣有億兆之數兩者大王何居焉故
敝邑趙王肅使臣効愚計奉明約在大王命之楚王
曰寡人之國西與秦接境秦有舉巴蜀并漢中之心
秦虎狼之國不可親也而韓魏迫於秦患不可與深
謀與深謀恐反人以入於秦故謀未發而國已危矣

寡人自料以楚當秦未見勝焉內與羣臣謀不足恃

也寡人卧不安席食不甘味心搖搖如懸旌

旌析羽注旄首

以精進士卒

而無所終薄

薄泊同

今君欲一天下安諸侯存

危國寡人謹奉社稷以從

傳有在說五國後虜謂五國之聽蘓子也革面而已

非能深究橫從之利害也唯威王非有難秦之心念之熟矣異夫志諸國之不可合徒稱從命者也

威王問於莫敖

楚官

子華曰自從先君文王以至不穀之

身亦有不為爵勸不為祿勉以憂社稷者乎莫敖子

華對曰如華不足以知之矣王曰不於大夫無所聞

之莫教子華對曰君王將何問者也彼有廉其爵貧其身以憂社稷者有崇其爵豐其祿以憂社稷者有

斷脰決腹

脰項也

一瞑而萬世不視

瞑不視也謂死

不知所益

志於死耳不求利也

以憂社稷者有勞其身愁其志以憂社稷

者亦有

補

不為爵勸不為祿勉以憂社稷者王曰大

夫此言將何謂也

言謂誰

莫教子華對曰昔令尹子文

闕殺

緇帛之衣以朝

緇黑

鹿裘以處未明而立於朝

日晦而歸食朝不謀夕無一日

元作月

之積故彼廉其

爵貧其身以憂社稷者令尹子文是也昔者葉公子

高名諸梁身獲於耒薄表野外薄林也言其初賤而財於柱國財材同柱

國以子高為材定白公之禍見哀十年寧楚國之事恢先君以

揜方域之外恢大也集韻揜覆取也言取地以大先君之封四封不庶封封域庶

猶禮六廉言無事故不察治名不挫於諸侯當此之時也天下莫

敢以兵南鄉葉公子高食田六百畛畛井田問陌故彼崇

其爵豐其祿以憂社稷者葉公子高是也昔者吳與

楚戰於柘舉定四年注楚地兩軍補之間夫卒交千夫百夫之夫莫

教大心撫其御之手顧而太息曰嗟乎子乎楚國亡

之日

元作月

至矣吾將深入吳軍若扑一人

若猶扑擊也

若

梓一人

梓持髮也

以與大心者也社稷其庶幾乎

以是為可以厲

衆也故斷脰決腹一瞑而萬世不視不知所益以愛社

稷者莫教大心是也

傳不書

昔吳與楚戰於柘舉三戰

入郢寡君身出

昭王

大夫悉屬

屬連俱亡

百姓離散楚冒勃

蘓

定四年以為申包胥

曰吾被堅執銳

堅甲銳兵也

赴強敵而死此

猶一卒也不若奔諸侯於是羸糧潛行上崢山

崢嶸之山

踰深谿蹠穿勝暴

蹠足下暴傷也

七日而薄秦王襄之朝雀

立不轉

雀立踊也

晝吟宵哭七日不得告水漿無入口瘡

而殫悶

瘡狂殫氣絕也

旄不知人

旄眊無目也

秦王聞而走之

去走

音疾趙也

冠帶不相及左奉其首右濡其口勃蘓乃蘓

蘓死

更生也

秦王身問之子孰誰也琴冒勃蘓對曰臣非異

言非也人

楚使

音去

新造盤

楚官

琴冒勃蘓吳與楚人戰於栢

舉三戰入郢寡君身出大夫悉屬百姓離散使下臣

來告亡且求救秦王顧令之

元作不

起寡人聞之萬乘

之君得罪一士社稷其危今此之謂也遂出革車千

乘卒萬人屬之子滿與子虎下塞以東與吳人戰於

濁水

出齊郡廣之媯山
東益齊楚地界

而大敗之亦聞於遂浦

楚地
缺或

吳夫遂也蓋聞一
說在彼一在此

故勞其身愁其思以憂社稷者禁

冒勃蘓是也吳與楚戰於柘舉三戰入郢君王身出

大夫悉屬百姓離散蒙殺將結關於宮唐之上

結猶
交宮

唐豈高
唐耶

舍鬪奔郢曰若有孤

時未知昭王存
亡故意其子

楚國社

稷其庶幾乎遂入大宮負雞次之典

楚國法也雞一
作雞是所以治

離局以浮於江逃於雲夢之中昭王反郢五官失法

百姓昏亂蒙穀獻典五官得法而百姓大治此蒙穀

之功多與存國相若封之執珪田六百畛蒙穀怒曰

穀非人臣社稷之臣苟社稷血食血謂餘豈患無君

乎遂自棄於磨山之中後志磨城子晉所造至今無

冒冒謂故不為爵勸不為祿勉以憂社稷者蒙穀是

也王乃太息曰此古之人也今之人焉能有之耶莫

教子華對曰昔者先君靈王好小腰楚士約食約猶

馮而能立

馮休也

式而能起

式小貌

食之可欲忍而不入

死之可惡然而不避

華元作章

聞之其君好發者發發其

臣決拾

車攻注決鈎弦拾遂也遂發也

若王直不好若君王誠好賢

此五臣者皆可得而致也

蘓子謂楚王曰仁人之於民也愛之以心事之以善言

孝子之於親也愛之以心事之以財忠臣之於君也

必進賢人以輔之今大王之大臣父兄好傷賢以為

資為已厚賦斂諸臣百姓使王見疾於民非忠臣也

資藉

大臣播王之過於百姓多賂諸侯以王之地是故退

王之所愛

王所愛者必不播割與大臣異趣故大臣退之

亦非忠臣也是以

國危臣願無聽羣臣之相惡也慎大臣父兄

言不輕用也

用民之所善節身之嗜慾以與補百姓人臣莫難於

無妬而進賢為主死易垂沙之事

未詳兵略訓楚兵殆於垂沙亦不注

死者以千數為主辱易自令尹以下事王者以千數

至於無妬而進賢未見一人也故明主之察其臣也

必知其無妬而進賢也賢臣之事其主也亦必無妬

而進賢夫進賢之難者賢者用且使已廢貴且使已

賤故人難之

此策本次蘓秦之楚之上知蘓子秦也然不可先於之楚故次之此彪謂此策

人主所當先務人臣之上節也蘓氏弟兄言之若此者二三策而已

懷王

威王子元年稱王四十年癸巳

行韓公仲相四字章內初不涉韓也齊楚之交善秦與魏遇且以善齊而

絕齊乎楚楚

補王使景鯉之秦鯉與於秦魏之遇其於

過時與馬秦策有其事在惠九年後懷王初也楚王怒景鯉恐齊以楚遇楚謂

鯉為有陰於秦魏也

恐齊以此謂楚有私於二國且罪景鯉為謂

楚王曰臣賀鯉之與於遇也秦魏之遇也將以合齊

秦而絕齊於楚也今鯉與於遇齊無以信魏之合已

於秦而攻於楚也

將絕齊於楚而楚使與焉故齊疑之

齊又畏楚之有

陰於秦魏也必重楚故鯉之與於遇王之大資也今

鯉不與於遇魏之絕齊於楚信明矣齊

衍楚字

信之必

輕王故王不如無罪景鯉以視齊於有秦魏

視示同示齊以

楚有齊必重楚而且疑秦魏於齊

疑楚使

王曰諾因

不罪而益其列

列位次也下衍王曰向也止孰便也凡九十字元在韓策

楚王逐張儀於魏

使魏逐之儀初相魏時此七年

陳軫曰王何逐張子

曰為臣不忠不信曰不忠王無以為臣不信王勿與

為約且魏臣不忠不信於王何傷忠且信於王何益

逐而聽則可若不聽是王今困也且使萬乘之國免

其相是城下之事也

此言魏恥之桓十三年主城下之盟諸侯所恥

五國約以伐

衍齊字

秦

秦忠後七年韓趙魏燕齊共攻秦此十一年

昭陽謂楚

王曰五國已破秦必南圖

圓

楚王曰然則奈何對曰

韓氏輔國也

言可為楚之助

好利而惡難好利可營也

營猶求可

使求
我 惡難可懼也我厚賂之以利其心必營我惡兵

以臨之其心必懼彼懼吾兵而營我利五國之事必

可敗也約絕之後雖勿與地可楚王曰善乃命大公

事楚人之韓見公仲曰夫牛闌之事未詳馬陵之難魏三

齊破魏親主之所見也主謂公仲此言齊王苟無以

五國用兵請効列城五請悉楚國之衆行也以圖元

齋此下著於齊書者云齊人反趙魏之後而楚果弗與地則

五國之事困也

五國伐秦魏欲和使惠施

魏相

之楚楚將入之秦

納施於秦而

使行和杜赫謂昭陽曰凡為伐秦者楚也

據此則楚時與伐非

也燕今施以魏來而公入之秦是明楚之伐而信魏之

和也公不如無聽惠施而陰使人以請聽秦

以和請於秦而

聽其命昭子曰善因謂惠施曰凡為攻秦者魏也今子

從楚為和楚得

元作將

其利魏受其怨子歸吾將使人

因魏而和惠子反魏王哀不說杜赫謂昭陽曰魏為

子先戰折兵之半謁病不聽請和不得魏折而入齊

秦此折猶屈子何以救之折其東有越累元作累此言越有傷楚之心越

近楚此無晉而交未定於齊秦是楚孤也不知速和

赫此言蓋昭子曰善因令人謁和於魏

秦招楚而伐齊冷向謂陳軫時在曰秦王忠必外向合言

他國不楚之齊者與麻善者知西不合於秦必且務以楚

合於齊齊楚合燕趙不敢不聽齊以四國敵秦是齊

不窮也兵力不屈向曰秦王誠必欲伐齊乎不如先收於

楚之齊者楚之齊者先務以楚合於齊則楚必即秦

矣秦能收楚之善齊者則其初雖欲合齊楚今必背齊合秦以強秦而有行晉楚

則燕趙不敢不聽是齊孤矣向請為公說秦王元在韓策

張儀之楚貧初至王未之重舍人怒而欲歸張儀曰子必以衣

冠之敝故欲歸待我為子見楚王當是之時南后懷王

后鄭襄美人貴於楚張子見楚王楚王不說前嘗欲逐之於魏

張子曰王無所用臣臣請北見晉君楚王曰諾張子

曰王無求於晉國乎王曰黃金珠璣犀象璣珠不出圓者

於楚寡人無求於晉國張子曰王徒不好色耳王曰

何也張子曰彼鄭周之女粉白墨黑

黑言其髮

立於衢閭

非知而見之者以為神楚王曰楚僻陋之國也未嘗

見中國之女如此其美也寡人見

補

之獨何為不好

色也乃資之以珠玉南后鄭褒聞之大恐令人謂張

子曰妾聞將軍之晉國偶有金千斤進之左右以供

芻秣

秣飼馬

鄭褒亦以金五百斤張子辭楚王曰天下

闕閉不通未知見日也願王賜之觴王曰諾乃觴之

張子中飲再拜而請曰非有它人於此也願王召所

便習而觴之

便所安者習所昵者

王曰諾乃召南后鄭褒而觴

之張子再拜而請曰儀有死罪於大王王曰何也曰

儀行天下徧矣未嘗見人如此其美而儀言得美人

是欺王也王曰子釋之

釋猶置

吾固以為天下莫若是

兩人也

儀自辱於楚相未嘗至楚其至楚在復相秦之四歲此十六年

楚懷王拘張儀

以其欺楚以商於故

將欲殺之靳尚

楚人

為儀謂楚

王曰拘張儀秦王必怒天下見楚之無秦也楚必輕

矣又謂王之幸夫人鄭褒曰子亦自知且賤於王乎

鄭裒曰何也尚曰張儀者秦王惠之忠信有功臣也

今楚拘之秦王欲出之秦王有愛女而美又簡擇宮

中佳

衍說字

麗好觀

人之可好可觀者書曰觀人喪德

習音者以懼從

之

習者所謂懼也以從愛女

資之金玉寶器奉以上庸六縣為湯

沐邑

以邑為女湯沐之具

欲因張儀內之楚王楚王必愛

絕秦句

女資強秦以為重挾寶地以為資勢必補為王妻以

臨于楚王惑於虞樂必厚尊敬親愛之而忘子子益

賤而日疏矣鄭裒曰願委之於公為之奈何曰子何

不急言王出張子張子得出德子無已時秦女必不來而秦必重子子內擅楚之貴外結秦之交畜張子以為用子之子孫必為楚太子矣此非布衣之利也

利在為王

鄭裒遽說楚王出張子

此十年

楚王將出張子恐

其敗已也靳尚謂楚王曰臣請隨之儀事王不善臣

請殺之楚小臣靳尚之仇也謂張旄

魏之用事者

曰以張

儀之智而有秦楚之用君必窮矣君不如使人微要

靳尚而殺之

微不顯也使若儀殺之

楚王必大怒儀也彼儀窮

則子重矣楚秦相難則魏無患矣張旄果令人要斬

尚刺之楚王大怒秦楚補構兵而戰秦楚爭事魏張

旄果大重彪謂張旄欲窮儀則如殺儀斯已矣今不殺儀顧從說者殺尚以儀之智為足以免

也於死

張儀為秦破從連橫說楚王在鄭稟出儀後曰秦地半天下兵

敵四國四方之國被山帶河以為固被寢衣也喻其亘延虎賁之士

百餘萬漢官儀虎賁戴鷄冠屬中郎將車千乘騎萬匹粟如丘山法

令既明士平安難樂死死難兵革之事主嚴以明將智以武

雖無出兵甲席卷常山之險

收取之如卷席之易無遺也恒山屬趙之元氏

此作常劉向避文帝諱也

折天下之脊天下後服者先亡且夫為

從者無以異於驅羣羊而攻猛虎也夫虎之與羊不

格明矣

格猶敵

今大王不與猛虎而與羣羊竊以為大

王之計過矣凡天下強國非秦而楚非楚而秦兩國

敵俾交爭

俾齊等也

其勢不兩立而大王不與秦秦下甲

兵據宜陽韓之上地不通

上流之地

下河東取成臯韓必

入臣於秦韓入臣魏則從風而動秦攻楚之西韓魏

攻其北社稷豈得無危哉且夫約從者聚羣弱而攻
至強也夫以弱攻強不料敵而輕戰國貧而驟舉兵
此危亡之術也臣聞之兵不如者勿與挑戰粟不如
者勿與持久持相持夫從人者飾辯虛辭飾綴飾非實也高主

之節行言其利而不言其害卒有楚禍

秦伐楚之禍
文作秦禍意

同無及為己是故願大王之熟計之也秦西有巴蜀

方船積粟起於汶山

居貧切屬蜀郡湍氏道即岷山
故唐志茂州汶山注有岷山

循江而下至郢三千餘里舫船載卒

舫平音也
併舟也一舫載

五千人與三月之糧下水而浮一日行三百餘里

數雖多不費汗馬之勞不至十日而距扞關

距本難足故創

至楚記晉伐楚楚為扞關以距之儀傳注已郡魚復有扞水關

扞關驚則從竟陵以

東盡城守矣黔中巫郡非王之有已秦舉甲出之武

關南面而攻則北地絕

北境之地非幽州郡

秦兵之攻楚也危

難在三月之內而楚恃諸侯之救在半歲之外此其

勢不相及也夫恃弱國之救而忘強秦之禍此臣所

以為大王之患也且大王嘗與吳人五戰

史不

三勝

而亡之陳卒盡矣陳猶故有偏守新城一偏之戌繕築之城而居

民苦矣臣聞之攻大者易危而民散者怨於上夫守

易危之功而逆強秦之心臣竊為大王危之且夫秦

之所以不出甲於函谷關十五年以攻諸侯者陰謀

有吞天下之心也楚嘗與秦構難戰於漢中楚人不

勝通侯執珪徹侯漢諱武帝作通此亦劉向所易也死者七十餘人遂

亡漢中楚王大怒與秦戰於藍田又却秦惠十三年取漢中又敗

之藍田此十七年此處與上章所獨楚王皆後人追書耳此所謂兩虎相搏者也

夫秦楚相敝而韓魏以全制其後計無過一作危於此

者矣是故願大王熟計之也秦下兵攻衛陽哥必闕

元作扃天下之句上二邑天下之中也故喻之句秦

可以此大王悉起兵以攻宋不至數月而宋可舉舉

宋而東指則泗上十二諸侯盡王之有已凡天下所

信約從親堅者蘓秦封為武安君而相燕即陰與燕

王謀破齊共分其地乃佯有罪出走入齊齊王問因

受而相之居二年而覺齊王大怒車裂蘓秦於市按

史

秦事覺在其死後儀
以此明其以詐死耳

夫以一詐偽反覆之蘓秦而欲

經營天下混一諸侯其不可成也亦明矣今秦之與

楚也接境壤界固形親之國也

其勢當親

大王誠能聽臣

臣請秦太子入質於楚楚太子入質於秦請以秦女

為大王箕帚之妾

帚帚也以洒掃之後自居

効萬家之都以為湯

沐之邑長為昆弟之國終身無相攻擊臣以謂計無

便於此者故敝邑秦王惠使使臣獻書大王之從車

下風

書國書非此書將迎之際必有風焉不敢當立故言下風

須以決事楚王曰

楚國僻陋託東海之上寡人年幼

言其為從時

不習國家

之長計今上客幸教以明制

秦王之制詔

寡人聞之敬以

國從乃遣使車百乘獻雞駭之犀

抱朴子通犀中有白理如綿置米

其上以飼雞雞見之驚却名駭雞犀

夜光之璧

鄒陽言魏文侯歸白圭夜光之璧

於秦

王傳

在諸國之先

張儀相秦

復相時

謂昭雎曰楚無鄢郢漢中有所更得乎

此皆楚之要地無此則危亡安能有也

曰無有曰無昭過陳軫有所更

得乎曰無所更得

二臣楚之良也無此二臣不能復得良臣此儀為秦謀去楚謀臣也

張儀曰為儀謂楚王逐昭過陳軫請復鄢郢漢中

秦忠

十三年取漢中故至是許復之鄢郢此時不書此策儀知楚王重地輕人故使唯言之二人逐則楚無良

臣唯必得
其處也

昭唯歸報楚王

唯蓋畔楚
善儀者

楚王說之有人

謂昭過曰甚矣楚王不察於爭名者也韓求相工陳

藉周策陳作師
求周使相之

而周不聽魏求相綦毋恢而周不聽

何以也周曰

補

是列縣畜我也

待我如
縣吏

今楚萬乘之

強國也大王天下之賢王也今儀曰逐君與陳軫而

王聽之是楚自待

元作
行

不如周而儀重於韓魏之王

也且儀之所行有功名者秦也

欲立功名於秦

所欲貴富者

魏也

取富貴於魏

欲為攻於魏

為魏人伐

必南伐楚故攻有道

外絕其交

交謂與國

內逐其謀臣陳軫夏人也

夏中國也習於

三晉之事故逐之則楚無謀臣矣今君能用楚之衆

故亦逐之則楚衆不用矣此所謂內攻之者也而王

不知察今君何不見臣於王請為王使齊交不絕儀聞

之其効鄙郢漢中必緩矣

齊楚大國也儀惡其合今合而與之地則楚益勁儀

必不為也是昭雅之言不信也王必薄之

楚王今昭睢之秦重張儀

說秦使重之

未至惠王死武王逐

張儀楚王因收昭睢以取齊

收捕繫之也睢善儀而齊惡儀秦既逐儀楚故

捕繫睢以外儀而合於齊

桓臧楚人

為睢謂楚王曰從

元作橫

親之不

合也儀貴惠王

為王所貴

而善睢也今惠王死武王立儀

走公孫郝甘茂貴甘茂善魏公孫郝善韓二人固不

善睢也必以秦合韓魏韓魏之重儀

言皆重之

儀有秦而

睢以楚重之今儀困秦而睢收楚

困謂見逐於秦

韓魏欲得

秦必善二人者

郝與茂

二人者

補三字

將收韓魏輕儀而

伐楚

以楚嘗重儀故

方城必危王不如復睢

復其位

而重儀於

韓魏儀據楚勢挾魏重以與秦爭魏不合秦句絕王亦

不從

不從秦

則方城無患

張儀逐惠施於魏

儀時陳秦相魏此十九年

惠子之楚楚王受之馮

郝楚人謂楚王曰逐惠子者張儀也而王親與約

與施相結

是欺儀也臣為王弗取也惠子為儀來者

元作者來

而惡

王之交於張儀惠子必弗行也

此設辭也施以儀逐之而來必有惡儀之

言使施善儀為儀而來豈行此惡儀之言

且宋王

君之賢惠子也天下

莫不聞也今之不善張儀也

今謂施

天下莫不知也今

為事之故

今為楚國事

棄所貴於讎人

貴謂儀讎謂施不善儀也楚王嘗貴

儀而今受施是為儀之讎而棄儀也

臣以為大王輕矣且為事邪

誠有意為

國事者

王不如舉惠子而納之於宋而謂張儀曰請為

子勿納也今必德王

今謂儀

而惠子窮人而王奉之又

必德王此不失為儀之實而可以德惠子楚王曰善

乃奉惠子而納之宋

陳軫去

元作告

楚之魏張儀惡之於魏王

哀

曰軫猶善楚

為求地甚力左爽

未詳

謂陳軫曰儀善於魏王魏王甚

信之公雖百說之猶不聽也公不如以儀之言為資

儀言已為楚因以其言聞之楚

而得復楚

楚聞其為楚故復之

陳軫曰善因使

人以儀之言聞於楚楚王喜欲復之

魏王哀遺楚王美人楚王說之夫人鄭裒知王之說新

人也甚愛新人衣服玩好擇其所喜而為之宮室卧具擇其所善而為之愛之甚於王王曰婦人所以事夫者色也而妬者其情也今鄭裒知寡人之說新人

也其愛之甚於寡人此孝子之所以事親忠臣之所

以事君也鄭裒知王以己為不妬也因謂新人曰王

愛子美矣雖然惡子之鼻子為見王

為此惡鼻故

則必拵

子鼻新人見王因拵其鼻王謂鄭裒曰夫新人見寡人則拵其鼻何也鄭裒曰妾知也王曰雖惡必言之

鄭裒曰其似惡聞君王之臭也

王蓋有臭疾

王曰悍哉令

劓之無使逆命

不通新人之言

楚王后死

自張儀拘時獨言鄭裒則后死久矣

未立后也謂昭魚曰公何

以不請立后也昭魚曰王不聽是智困而交絕立后

也

新所然者說者立后

不買五雙珥令其一善而獻之王

明日視善珥所在因請立之

齊明說卓滑

疑即淖滑

以伐秦滑不聽也齊明謂卓滑曰明

之來也

蓋自秦來

為樗里疾卜交也明說楚大夫以伐秦

皆受明之說也唯公弗受也臣有辭以報樗里子矣

卓滑因重之

此明因敗為成之說也樗里滑之所欲交也滑不聽明明懼見輕為善於疾而

言以此報疾故滑重之

或謂黃齊曰人皆以謂公不善於富摯皆楚人公不聞老

萊子

楚有道士

之教孔子事君乎示之其齒之堅也六

十而盡相靡也

靡摩同研也

今富摯能

有材能

而公重不相

善也

重猶甚

是兩盡也諺曰

傳言曰諺

見君之乘下之

乘馬也在

車則下見杖起之

在坐則起

今也王愛富摯而公不善也是

不臣也

禮也如不善不正方當為王力排而亟去之

今曰王愛之亦愛何義也此正盡以富摯能為足愛也夫能之不善不正亦多矣不可不察也

秦伐宜陽

此二十一年

楚王謂陳軫曰寡人聞韓朋

元作侈下同

巧士也習諸侯事殆能自免也

免於危亡也公仲時守宜陽

為其

必免吾欲先據之以加德焉陳軫對曰舍之王勿據

也以韓朋之智於此困矣今山澤之獸無黠於麋

鹿屬

麋知獵者張網前而驅已也因還走而冒人

蒙犯即人不趨

網至數獵者知其詐偽舉網而進之

偽舉網使其進而即人乃以網

網之麋因得矣今諸侯明知此多詐偽舉網而進者必

衆矣舍之王勿據也韓朋之智於此困矣楚王聽之

宜陽果拔陳軫先知之也

此策亦可作韓侈以公仲實守宜陽故作朋

四國伐楚

楚記二十八年秦
齊韓魏共攻楚

楚令昭睢將以距拒秦楚

王欲擊秦昭睢不欲桓臧為昭睢謂楚王曰睢戰勝

三國惡楚之強也恐秦之變而聽楚也必深攻楚以

勁秦

聖其代
楚之心

秦王昭怒於戰不勝必悉起而擊楚是

王與秦相罷音而以利三國也戰不勝秦秦進兵而

攻不如益昭睢之兵今之示秦必戰秦王惡與楚相

敵而令天下利

補

秦可以少割而收害也

秦見楚將
必戰必割

地與楚和戰代之
害可息也收猶息

秦楚之合而燕趙魏不敢不聽三

國可定也

城渾

周人出

自周二元作

人偶行

偶耦同二人曰耦兩也此蓋一人先二人

後南游於楚至於新城

莊六年注新城鄭新密今滎陽密也漢北海河南皆有此

屬楚蓋河南密也

城渾說其令曰鄭魏者楚之喪國

集韻喪弱也

而秦楚之強敵也鄭魏之弱而楚以上梁應之

此山陽濟

陰故梁近楚故也

宜陽之大也

時秦已得之

楚以弱新城圖

元作圍

之蒲坂平陽相去百里秦人一夜而襲之安邑不知

此言百里之地不相知況下五百里邪

新城上梁相去五百里秦人一

夜而襲之上梁亦不知也今邊邑之所恃者非江南

泗上也

漢志楚分野言江南地廣云此皆遠哉故非所恃漢志言楚分野云江南平地廣故知其

稽故

行楚字

王何不以新城為主郡也

主猶守也為郡則士馬盛可以

備秦邊邑甚利之

此渾言其欲說楚王大意

新城公

楚縣尹稱公

大說乃

為

行王字

具駟馬乘車五百金之楚

行畫字

城渾得之遂

南交於楚楚王果以新城為主郡

城書作成

韓公叔有齊魏

得二國之援

而太子有楚秦

太子幾瑟也韓襄十二年燕代

曰公叔伯嬰恐秦楚之納幾瑟是也此二十九年

以爭國鄭申為楚使於韓

矯以新城陽人

秦紀注南陽縣有陽人聚

子太子楚王怒將罪之

對曰臣矯予之以為國也臣為太子得新城陽人以

與公叔爭國而得之

得其國事

齊魏必伐韓韓氏急必懸

命於楚又何新城陽人之敢求太子不勝

不勝公叔

幸元

然而不死今將倒冠而至

言其歸楚之疾

又安敢言地楚王

曰善乃不罪也

韓襄策語同

楚杜赫說楚王以取趙王曰與之五大夫

楚官

而令私行

陳軫謂楚王曰赫不能得趙五大夫不可收也是

元作

得賞無功也得趙而王無加焉是無善也

不賞其善如不有之

王不如以十乘行之事成予之五大夫王曰善乃以十乘行之杜赫怒而不行陳軫謂王曰是不能得趙也

楚王問於范環曰寡人欲置相於秦孰可對曰臣不足以知之王曰吾相甘茂可乎范環對曰不可王曰何

也曰夫史舉上蔡之監門也大不知

元作如下同

如事君小

不知處室以苛廉聞於世

苛小節

甘茂事之順焉

言大不失

其意故惠王之明武王之察張儀之好譖甘茂事之取

十官而無罪茂誠賢者也然而不可相秦秦之有賢

相也非楚國之利也且王嘗用名補滑於越甘滑見

而納句章屆會昧之難昧唐昧楚將此二十八年越

亂故楚南察瀨湖察猶治也言楚有而而野江東江以

之東為野此言楚雖有唐昧之難而能得越地以名滑亂之也計王之功所以能如

此者越亂而楚治也今王已用之於越矣而忘之於

秦臣以為王鉅速忘矣鉅大也王若欲置相於秦乎若

公孫郝者可夫公孫郝之於秦王昭親也少與之同

衣長與之同車被王衣以聽事言其素重真大王之相已

秦相而曰王之相蓋王相之楚國之大利也甘茂傳楚使相之必右楚也有人地

小異

魏相翟強死為甘茂謂楚王曰魏之幾相者言危欲相之公

子勁也秦勁也相魏魏秦之交必善勁秦人而魏相之故秦魏

之交完則楚輕矣故王不如與齊約相甘茂於魏齊

王閔好高人以名今為其行人楚為齊請如其使者禮行人使適四方

請魏之相齊王必喜魏氏不聽交惡於齊齊魏之交

惡必爭事楚魏氏聽甘茂與樗里疾貿首之讎也

言貿

欲易取其首而魏秦之交必惡

疾相秦茂相魏故

又交重楚也

齊秦約攻楚楚令景翠以六城賂齊太子為質

此二十九年太

子橫昭睢謂景翠曰秦恐且因景鯉蘇厲而効地於

楚公出地以取齊

取措收猶說

鯉與厲且以收地取秦

收前

所効者盖二人之辭曰楚出地取齊楚既弱矣何足與地秦收所効必悅二人也

公事必敗

楚不得秦地由翠賂齊楚必怨翠

公不如令王重賂景鯉蘇厲使入

秦二人得楚賂不復為秦收地矣秦恐以齊楚合故必不求地不收而合

於楚若於齊不求是公與約也兩國各不取地而止攻是約者復和也與

如與國之與和好也言翠能和兩國之約

術視秦人伐楚楚令昭鼠以十萬軍漢中昭睢勝秦於重

丘屬平原蘇厲謂宛公昭鼠鼠為宛尹曰王欲昭睢之乘秦

王楚王乘猶凌必分公之兵以益之秦知公兵之分也必出

漢中出兵伐此請為公令芊元作辛戎謂王楚戎人貴於秦如以私告楚王

者曰秦兵且出漢中則公之兵全矣欲其備秦故不分其兵

秦敗楚漢中

此三十年秦伐楚取八城宜得漢中

楚王入秦秦王昭留之

游騰為楚謂秦王曰王挾楚王而與天下攻楚則傷

行矣不與天下共攻之則失利矣王不如與之盟而

歸之楚王畏

畏畏秦

必不敢背盟背盟

補二字

王因與三

國攻之義也

彪謂此言亦可聽也而秦志在亂楚不為之動所以卒併天下後人守此

頃襄王

懷王子元年報王十七年癸亥

楚襄王為太子之時質於齊懷王薨太子辭於齊王

閔

而歸齊王隘之

隘猶阻未即許求地也

予我東地五百里乃歸

子子不予我不得歸太子曰臣有傅請退

元作追

而問

傅傅慎子曰獻之地所以為身也愛地不送死父不

義臣故曰獻之便太子入致命齊王曰

致命歸誠之言

敬獻

地五百里齊王歸楚太子太子歸即位為王齊使車

五十乘來取東地於楚楚王告慎子曰齊使來求東

地為之奈何慎子曰王明日朝羣臣皆令獻其計上

柱國子良入見王曰寡人之得求反

求反國而得

主墳墓

復羣臣

復見之

歸社稷也以東地五百里許齊齊令使

來求地為之奈何子良曰王不可不與也王身出玉
聲許強萬乘之齊而不與則不信後不可以約結諸
侯請與而復攻之與之信攻之武臣故曰與之子良
出昭常入見王曰齊使來求東地五百里為之奈何
昭常曰不可與也萬乘者以地大為萬乘今去東地
五百里是去戰國之半也有萬乘之號而無千乘之
用也不可臣故曰勿與常請守之昭常出景鯉入見
王曰齊使來求東地五百里為之奈何景鯉曰不可

與也雖然楚不能獨守王身出玉聲許萬乘之強齊也而不與負不義於天下楚亦不能獨守臣請西索救於秦景鯉出慎子入王以三大夫計告慎子曰子良見寡人曰不可不與也與而復攻之常見寡人曰不可與也常請守之鯉見寡人曰不可與也雖然後不能獨守也臣請索救於秦寡人雖用於三子之計慎子對曰王皆用之王怫然作色曰怫鬱也何謂也慎子曰臣請効其說而王且見其誠然也王發上柱國

子良車五十乘而北獻地五百里於齊發子良之明日遣昭常為大司馬令往守東地遣昭常之明日遣景鯉車五十乘西索救於秦王曰善乃遣子良北獻地於齊遣子良之明日立昭常為大司馬使守東地又遣景鯉西索救於秦子良至齊齊使人以甲受東地昭常應齊使曰我典主東地典猶職主猶守且與死生地存則生失地死之悉五尺至六十三十餘萬敵甲鈍兵願承下塵凡人相趨則有塵戰亦齊王謂子良曰大夫來獻

有塵不敢與抗故言下

地今常守之何如子良曰臣身受命敝邑之王是常
矯也王攻之齊王大興兵攻東地伐昭常未涉強秦
以五十萬臨齊右壤曰夫隘楚太子弗出不仁又欲

奪之東地五百里不義其縮甲則可

縮威也
蓋束之

不然則

願待戰齊王恐焉乃請子良南道楚西使秦解齊患

士卒不用東地復全

彪謂此四臣皆國士也襄王無
若人豈能反國慎子能兼用之

其最優乎方之晉五臣其舅犯與此書三書懷王薨
而太子歸史記獨謂太子歸而王乃薨又謂王逃歸
不遑薨夫秦能劫留之豈不能衛之孟嘗之逃先以
計免猶危不脫楚王何以能逃可疑也楚王亡死太

子在外郢中必立王以絕秦望太子以齊之重歸義
嗣也其誰敢干之於是王乃定齊策乃云忠王而走
太子是則太子卒不得立亦非也蓋郢中立王時蘇
子以此策干田文而語人以九可文不之用世猶載
其語也

女阿未詳謂蘇子曰秦栖楚王懷王見劫危太子者公也

今楚王歸以此書及史攷之王皆不歸今此蓋其喪歸太子南自齊歸楚為南公

必危公不如令人謂太子曰蘇子知太子之怨已也

必且務不利太子太子不如善蘇子蘇子必且為太

子入矣入言其歸之深蘇子乃令人謂太子太子復請善

於蘇子

詳此亦無走太子之事

長沙之難

長沙荊州國懷二十九年秦大破楚楚王恐使太子質齊楚蓋破於此

楚太子

橫為質於齊楚王死薛公歸太子橫因與韓魏之兵

隨而攻東國太子懼

本其初言之亦明此非新立王也

昭蓋曰不若

令屈署以新東國為和於齊

新字疑衍

以動秦秦恐齊之

敗東國

上言齊興兵攻故地此恐其敗

而令行於天下也必將救我

太子曰善遽令屈署以東國為和於齊

此即子良之策蓋與署偕

秦王

昭

聞之懼令芊

元作芊

戎告楚曰毋與齊東國吾

與子出兵矣

有獻不死之藥於荆王者謁者操以入中射之士

射人
之在

者中問曰可食乎曰可因奪而食之王怒使人殺中射

之士中射之士使人說王曰臣問謁者謁者曰可食

臣故食之是臣無罪而罪在謁者也且客獻不死之

藥臣食之而王殺之是死藥也王殺無罪之臣而明

人之欺王王乃不殺

彪謂此謾士乃不可不殺荆王
敵之以不能答之也於是答也

何有謁者曰可食非謂汝可食也藥之能不死者平
人耳非能使刑者不死且人以獻王何預汝而問之

是安得
無罪也

齊以淖君之亂事

補

秦其後秦欲取齊

與齊合

故使蘇涓

之楚

涓固皆秦人

令任固之齊齊明謂楚王曰秦王

昭

欲

楚不若其欲齊之甚也其使涓來以示齊之有楚

以

楚之親

以資固於齊

為任固資

齊見楚

見其

必受固是楚

補

之聽涓也適為固驅以合齊秦也

所謂資固

齊秦合非

楚之利也且夫涓來必非固之所以之齊之辭也

涓

辭必厚楚而薄齊固之辭必厚齊而薄楚

王不如令人以涓之辭謾固於

齊謾欺也以涓薄齊之辭告齊則固齊秦必不合齊

言厚齊者非實齊必以固為欺已

秦不合則王重矣王欲收齊以攻秦漢中可得也王

即欲以秦攻補齊淮泗之間亦可得也

元在齊策

莊辛楚人謂楚襄王曰君王左州侯右夏侯輦從鄢陵君與壽

陵君

皆楚之寵幸臣也輦從謂輦出則二人從之

專淫逸侈靡不顧國政郢都

必危矣襄王曰先生老悖乎悖背道也將以為楚國妖祥

乎莊辛曰臣誠見其必然者也非敢以為國妖祥也

君王卒幸四子者不衰楚國必亡矣臣請避於趙淹

留以觀之

淹亦

莊卒去之趙留五月秦果舉郢鄢巫

上蔡陳之地

此二十一年白起拔郢置南郡

襄王流揄於成

元作城

陽

流謂走揄覆也謂自匿成陽屬汝南若城陽乃齊也

於是使人發騶

騶廄御也

徵莊

卒於趙

徵謂召索

莊卒曰諾莊卒至襄王曰寡人不能用

先生之言今事至於此為之奈何莊卒對曰臣聞鄙

語曰見兔而顧犬未為晚也亡羊而補牢

牢閑養之園

未

為遲也臣聞昔湯武以百里昌桀紂以天下亡今楚

國雖小絕長續短猶以數千里豈特百里哉王獨不

見夫蜻蛉乎

蟲一名桑根

六足四翼飛翔乎天地之間俛

啄蚤而食之仰承甘露而飲之自以為無患與人

無爭也不知夫五尺童子方將調鉛

元作鉛

膠絲

鉛米藥所

煎調以餌之又施膠於絲以繫之

加已乎四仞之上

曰八尺

而下為螻

蟻食也黃雀因是以俯囓白粒

囓也蓋以啄也

仰棲茂樹

鼓翅奮翼

翅強羽

自以為無患與人無爭也不知夫公

子王孫左挾彈右攝丸

攝引持也

將加已乎十仞之上以

其類為招晝游乎茂樹夕調乎酸醎

以為饒也

倏忽之間

陸於公子之手夫雀其小者也黃鵠因是鵠鴻也以游

乎江海淹乎大沼俯噉鱗元作鱗仰嚙陵衡鯉字書無鱗字

衡香草奮其六翮翮羽本而凌清風飄搖乎高翔自以為

無患與人無爭也不知夫射者方將脩其鎗元作鎗盧

字書無筭字鎗與筭聲近集韻鎗可為鎗盧旅同黑弓也治其矰元作矰繳矰戈射矢繳生

纒將加已乎百仞之上被矰矰無矰字集韻矰利也矰以石着惟繳也

引微繳折清風而耘矣以繫夫從高集韻耘下也如折然故晝游乎

江河夕調乎鼎鼐鼎絕大者夫黃鵠其小者也蔡靈元作

聖下侯之事春秋及史無聖侯因是以南游乎高陂陂阪北

陵乎巫山飲茹溪流茹飲馬也故與吐反食湘波之魚湘水出零陵屬

長沙左抱幼妻右擁嬖女與之馳騁乎高蔡之中即上蔡

而不以國家為事不知夫子發方受命乎靈元作王

繫已以朱絲而見之也昭十一年楚子誘蔡靈侯殺之于申經傳不書子發蓋使

子發召之楚子靈王若宣王蔡滅八十年矣道應訓子發伐蔡宣王郊迎人間訓又言獲罪威王皆失考

也蔡靈侯之事其小者也君王之事因是以左州侯

右夏侯輦從馭陵君與壽陵君飯封祿之粟所封而

載方府之金

方四方金其所貢

與之馳騁乎雲夢之中而不

以天下國家為事而不知夫穰侯方受命乎秦王

昭

填黽塞之內

填兵滿也江夏有郾即魏策郾郾之塞

而投已乎黽塞之

外襄王聞之顏色變作身體戰慄於是乃以執珪而

授之為陽陵君與淮北之地

彪謂此策天下之善規也襄王雖失之東隅而

收之桑榆故其季年保境善鄰差為無事此策為有力焉

齊韓魏共攻燕

燕惠七年書韓魏楚共伐燕它不書則楚當是齊此二十七年

燕使太

子請救於楚楚王使景陽將而救之

陽後至考烈六年猶為將見史

暮舍使左右司馬各營壁地

壁軍壘

已植表

如華表別所舍

以

景陽怒曰女所營者水皆至滅表

滅猶沒也此欲用其衆因以示神

此焉可以舍乃令徙明日大雨山水大出所營者水

皆滅表軍吏乃服於是遂不救燕而攻魏雖丘

雖雍同屬

陳留取之以與之宋

宋時已為齊未曉

三國懼乃罷兵魏軍其

西齊軍其東楚軍欲還不可得也景陽乃開西和門

晝以車騎暮以燭通使於魏齊師怪之以為燕楚與

魏謀之乃引兵而去齊兵已去魏失其與國無與共

擊之楚乃夜遁楚師乃還元在燕策

考烈王

襄王子元年報王五十年己亥

唐睢

元作且今從秦策

見春申君

黃歇楚相

曰齊人飾身修行得為

益

益謂有祿位

然臣羞而不學也不避絕江河

言雖險行不避

千餘里來竊慕大君之義

大言高其義

而善君之業臣聞

之賁諸懷錐刃

孟賁專諸吳人刺王子慶忌者言二人不待威兵而後稱勇

而天

下為勇西施衣褐

褐粗衣

而天下稱美今君相萬乘之

楚禦中國之難所欲者不成所求者不得臣等少也

夫臬碁之所以為能

元作者

招魂曰成臬而年呼五

白注臬勝也倍勝為年

以散碁佐之也

散謂

夫一臬之不如不勝五散

獨善不如

智衆亦明矣今君何不為天下臬而令臣等為散乎

客說春申君曰湯以亳

皇覽今梁穀熟

武王以鎬

元作鄗屬京兆

皆不

過百里以有天下今孫子荀卿天下賢人也君藉之以

百里之

補勢時為蘭陵令

臣竊以為不便於君何如春申

君曰善於是使人謝孫子孫子去之趙

史言孫子春申死而貧困

家蘭陵不

趙以為上卿客說春申君曰昔伊尹

補

去夏入殷殷王而夏亡管仲去魯入齊魯弱而齊強

夫賢者之所在其君未嘗不尊國未嘗不榮也今孫

子天下賢人也君何辭之春申君又曰善於是使人

請孫子於趙孫子為書謝曰癘人憐王癘雖惡疾猶愈於劫弑故

反憐此不恭之語也雖然不可不審察也此為劫弑

死亡之主言也夫人主年少而矜材無法術以知姦

則大臣主斷國專斷於國私以禁誅於已也察其私則恐人誅已故主

斷以故弑賢長而立幼弱廢正適而立不義春秋戒

之曰楚王子圍聘於鄭未出竟聞王病反問疾遂以冠纓絞王殺之因自立也

昭元年

齊崔杼之妻美莊公

通之崔杼帥其君黨而攻莊公莊公請與分國崔杼不許欲自刃於廟崔杼不許莊公走出踰於外牆射

中其股遂殺之而立其弟景公

襄二十五年

近代所見李

允用趙餓主父於沙丘百日而殺之淖齒用齊擢閔

王之筋

擢引也

懸於其廟梁宿夕而死夫癘雖癰腫胞

疾上比前世未至絞纓射股下比近代未至擢筋而

餓死也夫劫弑死亡之主也心之憂勞形之困苦必

甚於癘矣由此觀之癘雖憐王可也因為賦曰寶珍

隋珠

隋侯見大蛇傷瘵而愈之地
銜明珠報之世之所寶所珍

不知佩兮禕衣與

絲

禮后服禕衣謂畫袍

不知異兮間妹子奢

妹好也奢即子都美人也

莫知

媒兮媼母求之

媼母醜婦也

又甚喜之兮以瞽為明以聵

為聰以是為非以吉為凶嗚呼上天曷惟其同

言舉世皆

然詩曰上天甚神無自瘵也

瘵病也言天理甚明如是者必有患禍慮謂春

申君之愚昏甚矣人惟不知賢故不能用豈有知之
以一人言去之又以一人言召之其持操安在也苟

卿絕之宜哉卿書有與趙孝成王論兵而史不言之
趙失之卿禮義人也使卿而在楚春申必無李園之

禍此書蓋
知之矣

虞卿史不書
何所人謂春申君曰臣聞之春秋於安思危危則

慮安今楚王春秋高矣而君之封地不可不早定也
為主君慮封者莫如遠楚秦孝公封商君孝公死而

後王補不免殺之秦惠王封冉子

穰侯也猶田
曰嬰子文子惠王

死而後王奪之公孫鞅功臣也冉子親姻也然而不
免奪死者封近故也太公望封於齊邵公奭封於燕

為其遠王室矣今燕之罪大而趙怨深趙自燕王喜以粟腹之謀

伐趙起燕四年至十二年無歲不戰十二年此二十一年故君不如北兵以德趙

踐亂燕踐奄之踐以定身封此百代之一時也君曰所道

攻燕非齊則魏魏齊新怨楚昭陽救燕之役楚軍元作君雖欲

攻燕將道何哉對曰請令魏王可景閔王可言聽其道魏君曰

何如對曰臣請到魏而使所以信之為所可信者迺謂魏

王曰夫楚亦强大矣天下無敵乃且攻燕魏王曰鄉

也子云天下無敵今也子云乃且攻燕者何也對曰

今謂馬多力則有矣若曰勝千鈞則不然者鈞三斤何

也夫千鈞非馬之任也今謂楚强大則有矣若越趙

魏而鬪兵於燕則豈楚之任也哉元作我非楚之任而

楚為之是女楚也敝楚是強魏也其於王孰便也

或謂楚王曰臣聞從者欲合天下以朝大王臣願大王

聽之也燕昭末用蘇代說復約從夫因誑為信誑謂

懷王劫死奮患有成於患今勇者義之攝禍為福裁少

為多智者官之官尊榮夫報報之反報猶反也言伸

之稱

屈禍福相反不

一墨墨之化

墨點同化猶治也
言治之其未著

唯大君能之禍與福

相貫

貫猶通

生與亡為鄰不偏於死

偏猶專也
死謂患難

不偏於

生

專於衛生如兩臂重於天下者

不足以載大名無所寇艾

寇外兵艾已所

創不足以橫世

橫言莫之敵

夫秦涓德絕命之日久矣而

天下不知今夫橫人噬口

集韻噬聲也言集韻所利之事

利機上干

生心下年百姓

年取也

公處而私取利

舉謂舉措

是以國權

輕於鴻毛而積禍重於丘山

天下合從趙使魏加

趙人全晉舊姓

見楚春申君曰君有將乎

曰有矣僕欲將臨武君

詳未

魏加曰臣少之時好射臣

願以射譬之可乎春申君曰可加曰異日者更羸

姓人

名與魏王處京臺之下

京高也

仰見飛鳥更羸謂魏王

曰臣為王引弓虛發而下鳥魏王曰然則射可至此

乎更羸曰可有間鴈從東方來更羸以虛發而下之

魏王曰然則射可至此乎更羸曰此孽也

有隱痛於身猶孽子

王曰先生何以知之對曰其飛徐而鳴悲飛徐者故

瘡痛也鳴悲者久失羣也故瘡未息而驚心未去也

聞弦者音烈而高飛

烈猛也高欲避箭

故瘡隕也

以瘡痛今而墜

臨武君嘗為秦孽

嘗敗於秦未詳

不可為拒秦之將也

汗明

未詳

見春申君侯問三月而後得見談卒春申君大

說之汗明欲復談春申君曰僕已知先生先生大息

矣

異於小休

汗明感

元作

焉

字書無傲字感踏驚貌

曰明願有問君

而恐固

固陋也

不審君之聖孰與堯也春申君曰先生

過矣臣何足以當堯汗明曰然則君料臣孰與舜春

申君曰先生即舜也汗明曰不然臣請為君終言之

君之賢實不如堯臣之能不及舜夫以賢舜事聖堯

三年而後乃相知也今君一旦而知臣是君聖於堯

而臣賢於舜也春申君曰善召門吏為汗先生著客

籍五日一見

著者書此語也

汗明曰君亦聞驥乎夫驥之齒

至矣

至言可服乘之時

服鹽

元作檻

車

服在車前

而上大行蹄申膝

折申猶展皆用力故然

尾湛附潰

湛沉同汗多故然附當作肤與膚同亦汗出於膚如潰

漉汗

元作汁

灑地

滲漉之汗

白汗交流

白汗不緣暑而汗也

外阪遷延

阪不進貌

延

負棘而不能上

負所戴也棘言步蹇

伯樂遭之下車

攀而哭之解紵衣以暴之暴覆也驥於是俛而噴仰而

鳴聲達於天若出金石聲者何也問其聲何以然彼見伯樂

之知己也今僕之不肖阨於州部集韻部統也界也堀穴窮

巷堀窟也以窮巷為窟穴沉滂鄙俗之日久矣滂濁辱也君獨無意

湔袂僕湔手滌也袂去惡也使得為君高鳴屈於梁乎聲已之屈梁南

梁彪謂世之懷材抱德之士陸沈於時若此驥者不

少而伯樂之不世有長鳴之無其時可不為之大哀耶故招延不可不傳試用不可不詳也

楚考烈王無子春申君患之求婦人宜子者進之甚衆

卒無子趙人李園持其女弟欲進之楚王聞其不宜
子恐又無寵李園求事春申君為舍人已而謁歸故

失期

後於所還謁自趙還

春申君問狀

狀事

對曰齊

王遣使

詭言王建

求臣女弟與其使者飲故失期春申君

曰聘入乎對曰未也春申君曰可得見乎曰可於是

園乃進其女弟即幸於春申君知其有身園乃與其

女弟謀園女弟承間說春申君曰楚王之貴幸君雖

兄弟不如今君相楚王二十餘年而王無子即百歲

後將更立兄弟即楚王更立

王後

彼亦各貴其所親

君又安得長有寵乎非徒然也君用事久多失禮於
王兄弟兄弟誠立禍且及身奈何以保相印江東之
封乎今妾自知有身矣而人莫知妾之幸君未久誠
以君之重而進妾於楚王王必幸妾妾賴天而有男
則是君之子為王也楚國封_{四封之內}盡可得孰與其臨
不測之罪乎春申君大然之乃出園女弟謹舍而言
之楚王楚王召入幸之遂生子男立為太子以李園

女弟立為王后楚王貴李園李園用事李園既入其
女弟為王后子為太子恐春申君語泄而益驕陰養
死士欲殺春申君以滅口而國人頗有知之者春申

君相楚二十五年考烈王病朱英

楚人

謂春申君曰世

有無妄之福

無妄言
可必

又有無妄之禍今君處無妄之

世事無妄之主安不有無妄之人乎春申君曰何謂
無妄之福曰君相楚二十餘年矣雖名為相國實
楚王也五子皆相諸侯今王疾甚旦暮且崩太子衰

弱疾而不起而君相少主因而代立

謂攝也

當國如伊

尹周公王長而反政不即遂南面稱孤

不不反政

因而有

楚國此所謂無妄之福也春申君曰何謂無妄之禍

曰李園不治國

言非將相

王之舅也不為兵將而陰養死

士之日久矣楚王崩李園必先入據本議

據言不移議欲殺春

申制斷君命

制斷矯也君楚王也

秉權而殺君以滅口此所謂

無妄之禍也春申君曰何謂無妄之人曰君先任臣

為郎中君王崩

此章唯楚王更立楚王可曰楚王餘皆後人稱之

李園先入

臣請為君剗其胷殺之此所謂無妄之人也春申君曰先生置之勿復言也李園軟弱人也僕又善之又何至此朱英恐乃亡去後十七日楚考烈王崩李園果先入置死士止於棘門之內宮門以棘衛之春申君後入

止棘門園死士夾刺春申君斬其頭投之棘門外於是使吏盡滅春申君之家而李園女弟初幸春申君有身而入之王所生子者遂立為楚幽王也是歲秦始皇立九年嫪毐呂不韋所進以說始皇母帝太后者也亦為亂於秦

不韋傳毒與太后私亂生子二人與后謀曰王即薨以子為後覺夷三族而呂不韋

廢

彪謂春申君所以至於此錮寵而暗於事也使萬有一如李氏女所陳者歸相印而老江東之封不

已優乎春申於楚非若商君之於惠文又如不可則杖策而去扁舟五湖為世陶朱抑可矣春申不為此而計出於滅宗蓋小人患失之禍勢必有此不可不戒也朱英之言深矣然未聞道也春申之納女前日事耳英不以時匡之以大臣之義而以一卒自任雖多言亦何救於亂哉

史疾為韓使楚楚王問曰客何方所循

也方術

曰治列子

禦寇之言曰何貴曰貴正王曰正亦可為國乎曰可王曰楚國多盜正可以禦盜乎曰可曰以正禦盜奈

何頃間有鵲止於屋上者曰請問楚人謂之何王曰
謂之鵲謂之烏可乎曰不可曰今王之國有柱國令
尹司馬典令官皆楚其任官置吏必曰廉潔勝任今盜
賊公行而弗能禁也此烏不為烏鵲不為鵲也



戰國策卷五

欽定四庫全書

史部

戰國策卷六

詳校官編修臣曹錫齡

編修臣裴謙覆勛

總校官降調編修臣倉聖脈

校對官待詔臣胡士震

謄錄監生臣沈啟晉

欽定四庫全書

戰國策卷下

宋 鮑彪 注

趙

初分晉得趙國非有信都真定常山中山又得涿郡是高陽鄭州鄉兼有廣平鉅鹿清河河間

渤海之東至舒中邑文安東川成平章安河以非

原上

襄子

問子子 定王十六年戊

智伯帥趙韓魏而伐范中行氏滅之休數年使人請地

於韓韓康子欲勿與段規

韓人晉舊姓故魏亦有

諫曰不可夫

智伯之為人也好利而鷙

鷙殺鳥也喻其殘忍

復來請地不與

必加兵於韓矣君其與之彼狃

狃犬性驕也

又將請地於

他國他國不聽必鄉之以兵然則韓可以免於患難

而待事之變康子曰善使使者致萬家之邑一於智

伯智伯說又使人請地於魏魏桓

元作宣下同

子欲勿與

趙葭

魏人亦晉舊姓

諫曰彼請地於韓韓與之請地於魏魏

弗與則是魏內自強而外怒智伯也然則其錯兵於

魏必矣不如與之桓子曰諾因使人致萬家之邑一

於智伯智伯說又使人之趙請蘭元作蔡皐狼之地非蔡

趙地皐狼屬西河趙襄子弗與智伯因陰結韓魏將以伐趙

趙襄子召張孟談而告之曰夫智伯之為人陽親而

陰踈三使韓魏而寡人弗與焉他日陰踈今則顯矣其移兵寡

人必矣今吾安居而可張孟談曰夫董闕安於簡子

之才臣也世治晉陽而君澤循之君澤趙臣繼安于者其餘政

教猶存君其定居晉陽君曰諾君謂襄子乃使延陵君元

王此襄子臣不得稱王

將車騎先之晉陽君因從之至行城郭

案府庫

案按同行也

視倉廩召張孟談曰吾城郭之完府

庫足用倉廩實矣無矢奈何張孟談曰臣聞董子之

治晉陽也公宮之垣

垣牆也

皆以荻蒿苦楚磨之

荻荏葦屬

爾雅蒲荻注即蒿又繁醜狄為蒿苦蓋也楚荆也

以是為墻屬墻同其高至丈餘君發

而用之於是發而試之其堅則筍籛

音窳蔴

之勁不能

過也君曰矢足矣吾銅少若何張孟談曰臣聞董子

之治晉陽也公宮之室皆以鍊銅為柱質

質礎也

請發

而用之則有餘銅矣君曰善號令已定備守已具三國之兵乘晉陽城遂戰三月不能拔因舒軍而圍之決晉水而灌之圍晉陽三年城中巢居而處懸釜而炊財食將盡士卒病羸襄子謂張孟談曰糧食匱財

元作城

力盡士大夫病吾不能守矣欲以城下

謂將降

何

如張孟談曰臣聞之亡不能存危不能安則無為貴知士也君釋此計勿復言也臣請見韓魏之君襄子曰諾張孟談於是陰見韓魏之君曰臣聞唇亡則齒

寒今智伯帥二國之君伐趙趙將亡矣亡則二君為
之次矣二君曰我知其然夫智伯之為人麤中而少

親

麤祖同
疏也

我謀未遂而知則其禍必至為之奈何張

孟談曰謀出二君之口入臣之耳人莫之知也二君

即與張孟談陰約三軍與之期日夜

日既
夜

遣入晉陽

張孟談以報襄子襄子再拜之張孟談因朝智伯而

出

兵更使在其
間故得朝之

遇智過

過一作果
智伯之族

轅門之外

以車為
門而轅

外智過入見智伯曰二主殆將有變君曰何如君智

對曰臣遇張孟談於轅門之外其志矜其行高智伯

曰不然吾與二主約謹矣破趙三分其地寡人所親

之言親與二國約必不欺也子釋之勿出於口智過出見二

主人說智伯曰二主色動而意變必背君不如令殺

之智伯曰兵著晉陽著言附其城三年矣旦暮當拔而饗

其利乃有他心不可子慎勿復言智過曰不殺則遂

親之智伯曰親之柰何智過曰魏桓子之謀臣曰趙

葭韓補康子之謀臣曰段規二謚皆非當時語是皆能移其

君之計君其與二君約破趙則封二子者各萬家之
縣一如是則二主之心可不變而君得其所欲矣智
伯曰破趙而三分其地又封二子者各萬家之縣一
則吾所得者少不可智過見君之不用也言之不聽
出更其姓為輔氏遂去不見張孟談聞之入見襄子
曰臣遇智過於轅門之外其視有疑臣之心入見智
伯出更其姓今暮不擊必後之矣恐智伯以過之去
之決有感動也
襄子曰諾使張孟談見韓魏之君日夜期殺守堤之

吏而決水灌智伯軍智伯軍補救水而亂韓魏翼而

擊之

左右夫擊

襄子將卒犯其前大敗智伯軍而禽智伯

智伯身死國亡地分為天下笑此貪欲無厭也夫不

聽智過亦所以亡也智氏盡滅唯輔氏存焉

彪謂段規之策

智伯智過之察孟談皆如其目中可謂明也已矣此一時三晉智氏皆有士三晉之應之如響智氏獨不用之而亡則士豈非天下之重寶乎雖然水傳晉陽城之不沈者三版於此時使智伯殺韓魏之君亦難聽矣其次欲其分封二子是豈不可為與智伯唯沒於利故昏於智故孟子之說曰何必曰利

智伯從韓魏兵

二國兵從之

以攻趙圍晉陽而水之城之

元作

下不沈者三板却疵

晉人謂

智伯曰韓魏之君必反矣

智伯曰何以知之却疵曰以其人事知之夫從韓魏

之君而攻趙趙亡難必及韓魏矣今約勝趙而三分

其地今地不沒者三板曰竈生竈人馬相食城降有

日而韓魏之君無喜志而有憂色是非反如何也明

日智伯以告韓魏之君曰却疵言君之且反也韓魏

之君曰夫勝趙而三分其地城今且將拔矣夫二

元作

三家雖愚不棄美利於前背信盟之約而為危難不

可成之事其勢可見也是疵為趙計矣使君疑二主

之心

二主自稱曰主亦非當時語

而解於攻趙也

解懈同

今君聽讒

臣之言而離二主之交為君惜之趨而出却疵謂智

伯曰君又何以疵言告韓魏之君為智伯曰子安知

之對曰韓魏之君視疵端而趨疾

視端畏之趨疾避之恐疵要之與見

智伯而

屈也

却疵知其言之不聽請使於齊智伯遣之韓

魏之君果反矣

彪謂智伯至是眩於得而不顧其禍殆天奪其龜者至以謀臣之言質人

以反夫非狂昏疵普孰肯自承其反哉

張孟談既固趙宗廟封疆發五霸

元作百下同伯業不振今復發之

乃

稱簡之塗

稱者舉其說也此士國地君之御

以告襄子曰昔者前國

地君之御

國地猶武安之類御則之塗

有之曰五霸之所以致天

下者約

衍兩字

主勢能制臣

約者自斷之辭

無令臣能制主故

貴為列侯者不令在相位自將軍以上不為近大夫

今臣之名顯而身尊權重而衆服臣願損功名去權

勢以離衆襄子恨然曰何哉吾聞輔主者名顯功大

者身尊任國者權重信忠在已而衆服焉此先聖之

所以集國家安社稷乎子何為然張孟談對曰君之

所言成功之美也臣之所謂持國之道也臣觀成事

聞往古天下之美同

有美而同必相嫉

臣主之權均之能美

未之有也前事之不忘後事之師君若弗圖則臣力

不足愴然有決色

雖然決去而猶愴然明不得已也一說決猶別

襄子去之

卧三日使人謂之曰晉陽之政臣下不使者不為用上用何

如對曰死僂

僂同

張孟談曰左司馬

失其名

見使於國

家安社稷不避其死以成其忠君其行之

行猶用也疑當作任

君曰子從事乃許之

使談自從其所欲之事以其薦賢自代故許其去

張孟

談

此下著書者美之也

便厚以便名

便安厚重也去權所以安其重損名所以安其名

納地釋事以去權尊而耕於負親之丘

趙地

故曰賢

人之行明主之政也

此美襄子

耕三年韓魏齊楚

元作燕

負

親以謀趙

言五國昔約親今背之

襄子往見張孟談而告之曰

昔者智氏之地趙氏分則多十城復來

言分地多自與韓魏嘗以

為言矣今復來也

而今諸侯

行軌字

謀我為之柰何張孟談曰

君其負劍而御臣以之國

君自為御

舍臣於廟授吏大夫

授談之吏以為大
夫示尊顯之也

臣試計之君曰諾張孟談乃行其

妻之楚

使妻之楚

長子之韓次子之魏少子之齊四國疑

而謀敗

談趙之謀臣而其妻子分適四國故四國更相疑以為厚趙也

彪謂孟談有道之士也

國有危難不顧萬死出入行陣以就其謀功成事遂則委而去之已去而復出以銷國家之難非有道孰能出處語默若是其裕哉范蠡始終之際賢矣方之孟談猶一間也

晉畢陽

畢萬之後

之孫豫讓始事范中行事而不說去而就

智伯智伯寵之及三晉分智氏趙襄子最怨智伯而

將其頭以為飲器豫讓遁逃山中曰嗟乎士為知己

者死女為說已者容

脩其容色

吾其報智氏之讎矣乃變

姓名為刑人入宮塗廁欲以刺襄子襄子如廁心動

執問塗者則豫讓也刃其扞

扞鉞同集韻矛鉞謂之鉞刃施刃其端

曰

欲為智伯報讎左右欲殺之趙襄子曰彼義士也吾

謹避之耳且智伯已死無後而其臣至為報讎此天

下之賢人也卒釋之豫讓又漆身為厲滅鬚去眉自

刑以變其容為乞人而往乞其妻不識曰狀貌不似

吾夫其音何類吾夫之甚也又吞炭為啞變其音其

友謂之曰子之道甚難而無功謂子有志則然矣謂
子智則否以子之才而善事襄子襄子必近幸子子
之得近而行所欲此甚易而功必成豫讓乃笑而應
之曰是為先知報後知為故君賊新君大亂君臣之
義者無此矣吾所謂為此者以明君臣之義非從易
也且夫委質而事人而求弑之是懷二心以事君也
吾所為難亦將以愧天下後世人臣懷二心者居頃
之襄子當出豫讓伏所過橋下襄子至橋而馬驚襄

子曰此必豫讓也使人問之果豫讓於是趙襄子面

數豫讓曰子不當事范中行氏乎智伯滅范中行氏

而子不為報讎反委質事智伯智伯已死子獨何為

報讎之深也豫讓曰臣事范中行氏范補中行氏以

衆人遇臣臣故衆人報之智伯以國士遇臣國士名

者臣故國士報之為國士所襄子乃喟然嘆泣曰嗟

乎豫子衍子之為智伯名既成矣寡人舍子亦已足

矣子自為計寡人不舍子使兵環之豫讓曰臣聞明

主不掩人之義忠臣不愛死以成名君前已寬舍臣
天下莫不稱君之賢今日之事臣故伏誅然願請君
之衣而擊之雖死不恨非所望也

言有此必
望不及此

敢布腹

心於是襄子義之乃使使者持衣與豫讓豫讓拔劍
三躍呼天擊之曰而可以報智伯矣

而自
呼也

遂伏劍而

死死之日趙國之士聞之皆為涕泣

刺客傳有
謂襄子豫子

皆

千載人也豫子能報舊君能厲天下後世之為臣使
它人為之必一失於此矣或以其無成事為空自若
夫壯士能行其志而已成不成則有命焉吾何以必
之哉智伯有如此臣以國士遇之而不免於亡殆與

郭君善善
為輩者與

烈侯

襄子孫元年
烈王十八年癸酉 威

魏文侯借道於趙攻中山

魏十七年
此元年

趙侯將不許趙利

曰過矣魏攻中山而不能取則魏必罷

音疲罷則趙重

魏拔中山必不能越趙而有中山矣是用兵者魏也
而得地者趙也君不如許之許之大勸彼將知趙利
之也必輟君不如借之道而示之不得已

肅侯

成侯子元年顯
王二十年壬申

蘇秦從燕之趙

此十年

始合從說趙王曰天下之卿相人

臣乃至布衣之士莫不高賢大王之行義皆願奉敬

陳忠於前之日久矣雖然奉陽君妬

秦傳言肅侯令其弟成為相號

奉陽君妬嫉賢也

大王不得任事是以外賓客

外䟽之也

游談之

士無敢盡忠於前者今奉陽君捐館舍

禮婦人死曰捐館舍蓋亦

通稱大王乃今然後得與士民相親臣故敢進其愚忠

為大王計莫若安民無事請無庸有為也安民之本

在於擇交

與諸侯交

擇交而得則民安擇交不得則民終

身不得安

終趙王身

請言外患齊秦為兩敵

為趙敵

而民不

得安倚秦攻齊而民不得安倚齊攻秦而民不得安

故夫謀人之主伐人之國常苦出辭

苦言其力

斷絕人之

交

橫人蓋然

願大王慎無出於口也請屏左右曰言所以

異陰陽而已矣

陰陽言事止有兩端指謂從橫

大王誠能聽臣燕必

致糧裘狗馬之地齊必致海隅魚鹽之地楚必致橘

柚雲夢之地韓魏皆可使致封地

封地內之地

湯沐之邑貴

戚父兄皆可以受封侯夫割地効實

實如糧裘之類

五霸之

所以覆車禽將而求也封侯貴戚湯武之所以放殺

而爭也今大王垂拱而兩有之是臣之所以為大王

願也大王與秦則秦必弱韓魏與齊則齊必弱楚魏

魏弱則割河外韓弱則劾宜陽皆以地與秦宜陽劾則上

郡絕并川郡河外割則道不通楚弱則無援此三策者

不可不熟計也夫秦下軹道秦紀注亭名在霸陵則南陽動修武

者劫韓包周則趙自銷鑠據衛取淇則齊必入朝秦

欲已得行於山東則必舉甲而向趙秦甲涉河踰漳

據番吾則兵必戰於邯鄲之下矣此臣之所以為大王患也當今之時山東之建國莫如趙強趙地方二千里帶甲數十萬車千乘騎萬匹粟支十年西有常山南有河漳東有清河北有燕國燕固弱國不足畏

也且秦之所畏害於天下者莫如趙

言秦於天下獨畏趙害已

而秦不敢舉兵甲而伐趙者何也畏韓魏之議其後也然則韓魏趙之南蔽也秦之攻韓魏也則不然無有名山大川之限稍稍蠶食之傳之國都而止矣

傳附

同止兵韓魏不能支秦必入臣於秦秦無韓魏之隔

正於此禍必中於趙矣

猶射中的

此臣之所以為大王患也臣聞

堯無三夫之分

一天有四百畝此未為唐侯時

舜無咫尺之地以有

天下禹無百人之聚以王諸侯湯武之卒不過三千

人車不過三百乘而為天子誠得其道也是故明主

外料其敵國之強弱內度其士卒之衆寡賢與不肖

不待兩軍相當而勝敗存亡之機節

節節

固已見於

胷中矣豈掩於衆人之言

掩猶蔽

而以冥冥決事哉臣

竊以天下地圖案之諸侯之地五倍於秦料諸侯之
卒十倍於秦六國并力為一西面而攻秦秦補破必
矣今補西面而事之見臣於秦夫破人之與破於人
也臣人之與臣於人也豈可同日而言之哉夫橫人

者皆欲割諸侯之地以與秦成與秦成則高臺榭補

有木曰榭美宮室聽竽笙琴瑟之音察五味之和前有軒

轅天文志轅軒轅象後宮此言美人之所處也後有長庭美人巧笑卒有

秦患卒粹而不與其憂是故橫人日夜務以秦權恐

喝元作獨諸侯以求割地願大王之熟計之也臣聞明

王絕疑去讒屏流言之迹塞朋黨之門故尊主廣地

強兵之計臣得陳忠於前矣故竊為大王計莫如一

韓魏齊楚燕趙六國從親以儼畔秦令天下之將相

相與會於洹水之上通質刑白馬以盟之約曰秦攻

楚齊魏各出銳師以佐之韓絕食道趙涉河漳燕守

常山之北秦攻韓魏則楚絕其後齊出銳師以佐之

趙涉河漳燕守雲中并州郡秦攻齊則楚絕其後韓守

成臯魏塞午道

王莽傳注今京城直南山有谷通漢梁道者名子午谷又宜州西慶州東

有山名子午嶺南北直相當此則北山是子南山是午共為子午道詳此則午道秦南道也塞之使不得通莽所通者同秦也趙涉河漳博關燕出銳師以佐之秦攻燕

則趙守常山楚軍武關齊涉渤海韓魏出銳師以佐

之秦攻趙則韓軍宜陽楚軍武關魏軍河外齊涉渤

海燕出銳師以佐之諸侯有先背約者五國共伐之

六國從親以償秦

傭元作擯無異義今並從前作償

秦必不敢出兵

於函谷關以害山東矣如是則霸業成矣趙王曰寡

人年少莅國之日淺未嘗得聞社稷之長計今上客有意存天下安諸侯寡人敬以國從乃封蘇秦為武

安君飾車百乘黃金千鎰白璧百雙錦繡千純以約

諸侯

秦傳有在說燕後彪謂從約者天下之心亦其勢也夫秦有吞天下之心不盡不止諸侯皆病

之而欲傾之此其心也同舟遇風胡越之相救如手足於其頭目此其勢也以天下之心行天下之勢如水之就下孰能禦之故謂之從從者從也順也其所不可者諸侯之心不一夫其心不一者非明計智算也或見小利而相侵或修小怨而相伐或眩於名實而為積人之所恐喝此張儀所以投隙而起使諸侯之智少靈於連難則秦人自保之不給安能圖併吞之舉耶儀謂秦地形勢便兵強士武足以橫天下然

則天時人和道德之威仁義之澤舉無與於興亡之
數乎雖然一縱一橫皆一偏之論有王者作則從橫
皆廢而天下定而非
所以論於此時也

蘇秦為趙王使於秦

本傳不書

反三日不得見謂趙王曰秦

乃者過柱山

蓋破柱

有兩木焉一蓋呼侶

格其一徒

一蓋哭

問其故對曰吾已大矣年已長矣吾苦夫匠人且以
繩墨案規矩刻鏤我一蓋曰此非吾所苦也是故吾

事也

事猶分

吾所苦夫鐵銛

元作銛下同

然自入

銛言鐵之利若銛則

鐵鉞也義不合此

而出夫人者

人謂本盾自鐵言之為人

今臣使於秦而

三日不見無有為

元作謂

臣為鐵鉅者乎

無有言得無有也

武靈王

肅侯子元年 瀝王四十四年丙申

齊破燕

之膾之亂燕七年此十二年

趙欲存之樂毅謂趙王曰今無

約而攻齊齊必讎趙

不約與國而獨攻齊故齊怨若與同攻則怨有所分矣

不如請以河東易燕地於齊

齊破燕所得地近趙有趙趙以河東易之

河北齊有河東

此二非耶

燕趙必不爭矣是二國親也以

河東之地強齊

言齊得河東則益強

以燕以趙輔之

與之易地是助之也

天下憎之

害其強

必皆事王以伐齊是因天下以破齊

也王曰善乃以河東易齊楚魏憎之今淖滑施之趙
請伐齊而存燕

張儀為秦連橫說趙王曰敝邑秦王惠使臣敢獻書於

大王御史

周宗伯屬官秦因之而趙亦有言此者不序王也

大王收率天下

以傾秦秦兵不敢出

元作去

函谷關十五年矣大王之

威行於天下山東敝邑恐懼懾伏繕甲厲兵飾車騎

習馳射力田積粟守四封之內愁居懾處不敢動恁

唯大王有意督過之也

高紀注督視責也

今秦以大王之力

困畏趨而
飭兵故

西舉巴蜀并漢中東收兩周而西遷九鼎

史不

守白馬之津秦雖僻遠然而心忿悁悁亦

含怒

之日久矣今寡

元作

君有敵

元作

甲鈍兵軍於澠池

願渡河踰漳據番吾迎戰邯鄲之下願以甲子之日

合戰以正殷紂之事敬使臣先以聞於左右凡大王

之所信以為從者恃蘇秦之計秦

補

熒惑諸侯熒火
光也

猶

以是為非以非為是欲反覆齊國而不能自令車

裂於齊之市夫天下之不可一亦明矣今楚與秦為

昆弟之國而韓魏稱為東藩齊獻魚鹽之地此斷趙之右臂也夫斷右臂而求於人聞失其黨而孤居求欲無危豈可得哉今秦發三將軍一軍塞午道告齊使興師渡清河軍於邯鄲之東一軍軍於成臯歐韓魏歐而軍於河外一軍軍於澠池約曰四國為一以攻趙破趙而四分其地是故不敢匿意隱情先以聞於左右臣竊元作切為大王計莫如與秦遇於澠池面相見而身相結也臣請案兵無攻願大王之定計

趙王曰先王之時奉陽君相專權擅勢蔽晦先王獨制官事寡人宮車屬於師傅不得與國謀先王棄羣臣寡人年少奉祠祭之日淺私心固竊疑焉以為一

從不事秦非國之長利也乃且願變心易慮割地謝

前過以事秦方將約車趨行趨從同而適聞使者之明

詔於是乃以車二百乘入朝澠池割河間以事秦傳在

楚韓齊後蓋此十五年

彪謂約從以難秦者趙

也使秦得諸侯力足以制趙不告趙也告之者是力

不足也此時諸侯惑於橫人之說皆辭屈貌從心不與也使季子可作則三國橫約可立解而坐破也武

靈此時血氣未定而蘇氏兄弟適不在趙故儀得以
備其恐冒之說加之數年如儀服之時其必有以折
儀矣燕昭末年蘇代重燕而從約
復舉豈非天下之心之勢矣哉

甘茂為秦約魏以攻韓宜陽

秦武王三年此十八年

又北之趙冷

向謂強國趙曰不如令趙拘甘茂勿出以與齊韓秦

市齊王

閔

欲求救宜陽必効縣狐氏

地

韓欲存宜陽

必以路涉

地

端氏

屬河東

賂趙秦王武欲得宜陽不受

名寶

寶之名世者齊韓之賂欲拘
茂敗其約也秦賂則欲出之

且拘茂也且以置

公孫赫樗里疾

茂不還秦則二人用

武靈王平晝

無事之日
猶平日

間居肥義

趙相也餘
並公族

侍坐曰王

慮世事之變權甲兵之用

權猶
度

念簡襄之迹計胡狄

之利王曰嗣立不忘先德君之道也錯質務明主之

長

錯猶
委

臣之論也是以賢君靜而有道民便事之教

動而

補

有明古先世之功

先猶
高

為人臣者窮有弟長

辭讓之節

弟順
也

通有補民益主之業此兩者君臣之

分也今吾欲繼襄王之業啟胡翟之鄉而卒世不見

也

卒世猶舉世言
舉世無能察此

敵弱者

與弱為敵
謂胡翟

用力少而功多

可以無盡百姓之勞而享往古之勲夫有高世之功

者必負遺俗之累

不與俗同俗所遺也

有獨智之慮者必被庶

人之恐

所謂黎元懼焉

今吾將胡服騎射以教百姓而世必

議寡人矣肥義曰臣聞之疑事無功疑行無名今王

即定負遺俗之慮

定言自定於心不為俗移

殆母顧天下之議矣

夫論至德者不和於俗成大功者不謀於衆昔舜舞

有苗

不用兵而舞干羽欲以服人亦異於俗

而禹袒入裸國

非中國之禮

非

以養欲而樂志也欲以論德而要功也愚者暗於成

事智者見於未萌王其遂行之王曰寡人非疑胡服也吾恐天下笑之狂夫之樂智者哀焉愚者之笑賢

者戚焉

以此異趣知俗必見道

世有順我者則胡服之功未可

知也雖歐世以笑我胡地

元作服

中山我必有之王遂

胡服使王孫縲告公子成曰寡人胡服且將以朝亦欲叔之服之也家聽於親國聽於君古今之公行也子不反親臣不逆主先王之通誼也今寡人作教易服而叔不服吾恐天下議之也夫制國有常而利民

為本從政有經而令行為上故明德在於論賤行政

在於信貴

信仲同所謂
行法自近始

今胡服之意非以養欲而樂

志也事有所出功有所止

止猶至

事成功立然後德可

見也今寡人恐叔逆從政之經以輔公叔之議

與之
論此

所以
輔之

且寡人聞之事利國者行無邪因貴戚者名不

累故寡人願慕公叔之義以成胡服之功使縲謁之

叔請服焉公子成再拜曰臣因聞王之胡服也不佞

寢疾不能趨走是以不先進王今命之臣固敢竭其

愚忠臣聞之中國者聰明睿智之所居也萬物財貨之所聚也聖賢之所教也仁義之所施也詩書禮樂之所用也異敏技藝之所試也

異出類敏疾於事也

遠方之所

觀赴也蠻夷之所義行也

以中國為有義有行

今王釋此而襲

遠方之服變古之教易古之道逆人之心畔學者離

中國臣願大王圖之使者報王王曰吾固聞叔之病

也即之公叔成家自請之曰夫服者所以使用也禮

者所以便事也是以聖人觀其鄉而順宜因其事而

制禮所以利其民而厚其國也被髮文身錯臂左衽

以兩臂交錯而立言無禮容

甌越之民也

即漢東甌閩粵

黑齒雕題

史注以草

染齒為黑雕題者刻其肌以青丹涅之

鯁冠毳絳

鯁大鯢以其皮為冠毳絳也言女工之拙

大吳之國也禮服不同其便一也是以鄉異而用變事異而禮易是故聖人苟可以利其民不一其用果

可以便其事不同其禮儒者一師而禮異中國同俗

而教離又况山谷之便乎故去就之變智者不能一

遠近之服賢聖不能同窮鄉多異

異俗

曲學多辨不

知而不疑

言各不知其異而不疑之

異於已而不非者公於求善

也今卿之所言者俗也吾之所言者所以制俗也今

吾國東有河薄洛之水

史注安平經縣西有薄水津名薄洛津後志安定烏枝谷

名與齊中山同之而無舟楫之用自常山以至代上

黨東有燕東胡之境西有樓煩秦韓之邊而無騎射

之備故寡人且聚舟楫之用求水居之民以守河薄

洛之水變服騎射以備燕

元作其

叅胡樓煩秦韓之邊

言叅錯居其邊也

且昔者簡主不塞晉陽以及上黨

不塞者志在遠

畧而襄主兼戎取代以攘諸胡此愚智之所明也先

時中山負齊之強兵侵掠吾地係累吾民累累同引水

圍鄣屬常山非社稷之神靈即鄣幾不守先王忿之其

怨未能報也今騎射之服近可以備上黨之形遠可

以報中山之怨而叔也順中國之俗以逆簡襄之意

惡變服之名而忘國事之耻非寡人所望於子公子

成再拜稽首曰臣愚不達於王之議敢道世俗之聞

今欲繼簡襄之意以順先王之志臣敢不聽令再拜

乃賜胡服趙文進諫曰農夫勞力補而君子養焉政

之經也愚者陳意而智者論焉教之道也臣無隱忠

君無蔽言

蔽猶伏

國之祿也

祿猶福

臣雖愚願竭其忠王

曰慮無變擾

言能定慮則不亂於物

忠無過罪

過者罪之小者

子其言

乎趙文曰當世輔俗

當猶順

古之道也衣服有常禮之

制也循

元作修

法無愆民之職也三者先聖之所以教

今君釋此而襲遠方之俗變古之教易古之道故臣

願王之圖之王曰卿言世俗之間

言其所言不能出俗

常民溺

於習俗學者沈於所聞此兩者所以成官而順政也

非所以觀遠而論始也

若今胡服
自我始也

且夫三代不同服

而王五霸不同教而政

政言治
行於下

智者作教而愚者制

焉賢者議俗不肖者拘焉夫制於服之民不足與論

心拘於俗之衆不足與致意故勢與俗化而禮與變

俱聖人之道也承教而動循法無私

不敢用
私意

民之職

也知學之人能與聞遷

有所聞則
改前之為

達於禮之變能與

時化故為已者不待人制今者不法故子其釋之趙

造諫曰隱忠不竭奸之屬也以私誣國賤之類也

賤謂

輕

國犯奸者身死賤國者族宗

族滅其宗

有元作反

此兩者先

王之明刑臣下之大罪也臣雖愚願盡其忠無遁其
死王曰竭意不讓忠也上無蔽言明也忠不辟危明
不距人子其言乎趙造曰臣聞之聖人不易民而教
智者不變俗而動因民而教者不勞而成功據俗而
動者據猶依慮徑而易見也

徑以步道喻其省便

今王易初不循

俗胡服不顧世非所以教民而成禮也且服竒者志

淫俗僻者亂民是以莅國者不襲竒僻之服中國不
近蠻夷之行非所以教民而成禮者也且循法無過
脩禮無邪臣願王之圖之王曰古今不同俗何古之
法帝王不相襲何禮之循處義神農教而不誅黃帝
堯舜誅而不怒及至三王觀時而制法因事而制禮
法度制令各順其宜衣服器械各便其用故禮世不
一其道施禮於世便國不必法古聖人之興也不相襲而
王夏殷之衰也不易禮而減然則反古未可非而循

禮未足多也且服竒而志淫是鄒魯無竒行也

鄒屬魯國

言二國雖無竒服不無竒行

俗僻而民易是吳越無俊民也是以

聖人利身之謂服便事之為教進退之謂節衣服之

謂制所以齊常民非所以論賢者也

此謂進退以下

故聖與

俗流

言其順俗

賢與變俱諺曰以書為御者不盡馬之情

以古制今者不達事之變故循法之功不足以高世

法古之學不足以制今子其勿反也

趙記十九年有無二趙諫詞

處謂拓地開邊非有國之所先也不得已而有據却之事嚴兵而已兵嚴而士用命雖不胡服其無成功

如其不然，雖易服變古，何救於敗哉？孟子曰：行一不義而得天下，不為也。武靈之志，欲得中山、胡地而已。遂舉國而夷，甚矣其不權於輕重大小之差也。且其所稱反古之說，皆鈞金一與羽之類。古所謂以辯言亂舊政者，也何足取哉？而史無譏，故備論之。

王立周紹為傳曰：寡人始行縣過番，吾當子為子之時。

踐石以上者。

踐石謂能騎乘者禮洗王石注乘馬石

皆道子之孝故寡

人問子以璧。

問以禮道之

遺子以酒食而求見子子謁病

而辭人有言子者曰：父之孝子君之忠臣也。故寡人

以子之智慮為辯，足以道人危，足以持難。

危言有危苦之節

忠可以寫意

寫猶宣

信可以遠期

久而不渝

諺

元作

云服難

以勇治亂以智事之計也立傳以行去教少以學義

之經也循計之事

先計而順行之

佚元作

而不補累訪議之

行窮而不憂

窮言盡事之情

故寡人欲子之胡服以傳王子

元作

乎

周紹曰王失論矣非賤臣所敢任也王曰選子

莫若父論臣莫若君君寡人也周紹曰立傳之道六

王曰六者何也周紹曰智慮不躁達於變身行寬惠

達於禮威嚴不足以易於位

僚位而行不為威嚴所移

重利不足

以變其心恭於教而不快

快謂縱逸

和於下而不危六者

傳之才而臣無一焉隱中不謁

隱自匿也中謂情實此疑與趙造諫本一

說臣之罪也傳命僕官

傳附同比也僕猶辱

以煩有司吏之恥

也王請更論王曰知此六者所以使子周紹曰乃國

未通於王之

補

胡服雖然臣王之臣也而王重命之

臣敢不聽令乎再拜賜胡服王曰寡人以王子為子

任欲子之厚愛之無所見醜御道之以行義勿令溺

苦於學

溺苦皆勞也勞於學以無導之者故也

事君者順其意不逆其

志事先者

先光君

明其高不倍其孤故有臣可命其國

之祿也子能行是所補以事寡人者畢矣書云去邪

勿疑任賢勿貳禹寡人與子不用人矣遂賜周紹胡

服衣冠具帶

帶飾之備也猶具劍

黃金師比

未詳蓋衣章主術訓武靈王貝帶劍

翻而刺注翔翻讀曰私鉤頭三字與此小異

以傳王子

趙燕後胡服

服後於衆

王令讓之曰事主之行竭意盡力微

諫而不諱

謹也

應對而不怨不逆上以自伐不立私以

為名子道順而不拂臣行讓而不爭子用私道者家

必亂臣用私義者國必危反親以為行慈父不子逆

主以自成惠主不臣也

惠猶慈

寡人胡服子獨弗服逆

主罪莫大焉以從政為累

政胡服之政

以逆主為高行私

莫大焉故寡人恐親犯刑戮之罪

燕公族也故稱親

以明有

司之法趙燕再拜稽首曰前吏命胡服

前前日

施及賤

臣臣以失令過期更不用侵辱教

更猶反侵辱刑也言已宜服刑平反

不刑而教之

王之惠也臣敬循衣服以待今日

令善也

王破原陽

屬雲

以為騎邑

居騎士於此

牛贊

趙人

進諫曰國有

固籍

固言不變籍猶令甲

兵有常經變籍則亂失經則弱今王

破原陽以為騎邑是變籍而棄經也且習其兵者輕

其敵

習於敵人之兵則玩而易之

便其用者

此言本國械用

易其難令民

便其用而王變之是損君而弱國也故利不百者不

變俗功不什者不易器今王破卒散兵以奉騎射臣

恐其攻獲之利不如所失之費也王曰古今異利遠

近易用

易入音

陰陽不同道四時不一宜故賢人觀時

而不觀於時

時猶俗也視俗而變不為俗所窺

制兵而不制於兵子

知官府之籍不知器械之利知甲兵之用不知陰陽

之宜

趙居胡之南陽也欲攻胡而用趙兵非其宜也

故兵不當於用何兵之

不可易教不便於事何俗之不可變昔者先君襄王

與代交地

交接

城境封之

築城境上為之封域

名曰無窮之門

所以詔

元作昭

後而期遠也令重甲循兵

趙甲重不若新甲之輕循

言其因舊

不可以踰險仁義道德不可以來朝

此言別也吾聞

信不棄功智不遺時今子以官府之籍亂寡人之事

非子所知牛贊再拜稽首曰臣敢不聽令乎至遂胡

服率騎入胡出於遺遺之門

此門義取胡者古今所遺

踰九限之

固絕五徑之險至胡中辟地千里

魏敗楚於陘山禽唐明

楚威十一年魏敗我陘山時武靈未立懷二十八年秦齊韓魏

攻楚救唐昧此二十五年明豈昧之字耶

楚王懼令昭應奉太子以委和

於薛公

懷二十九年使太子質於齊

主父欲敗之乃結秦連楚宋

之交令仇赫

元作郝下章同

相宋樓緩相秦楚王合

元作禽趙

宋

楚與二魏元作魏合

之和卒敗

楚得二國之援故不與齊和

趙使仇

元作机下同史作仇液

赫之秦請相魏冉宋突

齊人謂仇郝容

赫曰秦不聽樓緩必怨公秦時已相緩公不若陰辭樓子

辭告之也請無急秦王昭王言為緩故請之不力秦王見趙之相魏冉

之不急且不聽公言也郝公謂是事而不成以德樓子

事成以史補此六字魏冉固德公矣穰侯傳有六年昭七年此二十六年

謂趙王曰三晉合而秦弱三晉離而秦強此天下之所

明也秦之有燕而伐趙有趙而伐燕有梁而伐趙有

趙而伐梁有楚而伐韓有韓而伐楚此天下之所明

見也然山東不能易其路言易橫秦之路以合三晉兵弱也弱而

不能相一是何秦

元作楚

之智山東之愚也是臣所為

山東之憂也虎將即禽

走獸德名

禽不知虎之即已也而

相關兩罷而歸其死於虎故使禽知虎之即已決不
相關矣今山東之主不知秦之即已也而尚相關兩
傲而歸其國於秦智不如禽遠矣願王熟慮之也今
事有可急者秦之欲伐韓梁東闕於周室甚惟寐忘

元作亡

之今南攻楚者惡三晉之大合也

合合楚也楚強晉弱先攻

其強則弱者沮不敢合矣

今攻楚休而復之

休罷兵復復攻

已五年矣

先

秦取漢中取召陵又敗之重丘攘地千餘里今謂楚王懷苟來舉王

趾而見寡人必與楚為兄弟之國楚懷三十年秦昭云然此二十七年

必為楚攻韓梁反楚之故地楚王美秦之語怒韓梁

之不救已必入於秦秦補有謀故發元作使之趙以

燕餌趙言欲與趙攻燕而離三晉韓魏時不合秦而趙合之必不善趙今王美

秦之言而欲攻燕攻燕食未飽而禍已及矣楚王入

秦秦楚為一東面而攻韓韓南無楚北無趙美秦反地餌燕

之說故不救韓亦離三晉之策也韓不待伐割挈馬兔而西走割地挈而

走秦疾於馬兔

秦與韓為上交秦禍安移於梁矣

禍兵禍安言其不勞

以秦之強有楚韓之用梁不待伐

衍安字

割挈馬兔而

西走秦與梁為上交秦禍案環中趙矣

案安同故荀卿書多用案

字此言秦視趙在其度內如物在環中環中一作移於字可也

以強秦之有韓梁楚

與燕之怒

秦有三國趙之志也燕又怒之

割必深矣

秦割趙地

國之舉此

國謂趙舉猶行

臣之所為來臣故曰事有可急為者及楚王

之未入也三晉相親相堅

堅其約

出銳師以戍韓梁西

邊楚王聞之必不入秦秦必怒而循攻楚

循前而北

是秦

禍不離楚也便於三晉若楚王入秦秦補見三晉之

大合而堅也必不出楚王

恐其合晉

即多害

楚求出故

是秦禍

不離楚也有利於三晉願王之熟計之也急

重言急以促之

趙王因起兵南伐山戎

戎近秦伐之以備秦

戎

元作翟

韓梁之西

元作惡

邊秦見三晉之堅也果不出楚王

衍印字

而多求

地

彪謂從橫之說未有善於此者也趙少嘗之其効已見是以知張儀之可折也然其効不大見於後

則是諸侯之不一也是其計之不明不智也吁惜哉

富丁

趙人

欲以趙合齊魏樓緩欲以趙合秦楚富丁恐主

父之聽樓緩而合秦楚也司馬淺趙人為富丁謂主父

曰不如以順齊齊本欲伐秦今順之今我不順齊伐秦秦楚必

合而攻韓魏無齊之難因得取其鄰也韓魏告急於齊齊不欲伐

秦上言順齊伐秦此又言齊不欲伐者前時秦楚未合今合故也必以趙為辭以趙不順

齊伐秦告二國則不補伐秦者趙也韓魏必怨趙齊之兵不

西不伐秦韓必聽秦違齊畏秦故違齊而親秦親韓兵必歸

於趙矣今我順而齊不西韓魏必絕齊絕齊則皆事

我且我順齊齊無不元作而西日者言昔日樓緩坐魏時欲

離齊魏生
言有所侍

三月不能散齊魏之交

言二國本親
且與之伐秦

令我

順而齊魏果西是罷齊散秦也

罷疲

趙必為天下重

國主父曰我與三國攻秦

韓魏齊
為三

是俱敵也曰不然

我約三國而告之

衍秦
字

以未搆

元作
御名

中山也

此言可
以少出

兵也此二十七年趙破
中山未滅也趙宜自備

三國欲伐秦之果也必聽我

欲和我

使趙與
中山講

中山聽之是我以三國

元作
王國

饒中山

而取地也

饒猶益也
我故益得取地於中山

中山不聽三國必

絕之是中山孤也三國不能和我雖少出兵可也我

分兵而孤

衍樂字

中山必之我

去猶

已亡中山而以餘

兵與三國攻秦是我一舉而兩取地於秦中山也

魏因富丁且合於秦

丁本欲以趙合齊魏今魏欲因以合秦趙不聽故

趙恐請

効地於魏而聽薛公

文時合齊魏

教子欬

或者教之欬趙人

謂李

兌曰趙畏橫之合也

合秦故言橫

故欲効地於魏而聽薛

公公不如令主父以地資周最而請相之於魏周最

以天下厚秦者也今相魏魏秦必虛矣

厚秦而舍之相魏秦必惡

之故二國不合虛言其不合也

齊魏雖勁無秦不能傷趙魏王

哀聽

是輕齊也齊亦惡最故秦魏雖勁無齊不能得趙此利於

趙而便於周最也

惠文王武靈王子元年
赧王十七年癸亥

三國攻秦魏哀二十一年與齊
韓共攻秦此元年趙攻中山取扶柳屬信都

五年以擅呼沱擅言國
有之齊人戎郭宋突雖齊人
而倍齊謂仇

赫元作郝曰不如盡歸中山之新地元作堊武后時字
耳今並從古此謂

扶柳中山案此言於齊案猶曰四國趙與
上三將假道於衛

以過章子之路地缺蓋章子
以齊軍守此齊聞此必効鼓莒鼓里
是也齊

南又有
二鼓

腹擊

它國人
仕趙

為室而鉅荆敢

仕楚人
仕趙

言之主謂腹子曰何

故為室之鉅也腹擊曰臣羈旅也爵高而祿輕宮室

小而帑不衆

帑金幣
所藏

主雖信臣百姓皆曰國有大事

擊必不為用今擊之鉅宮將以取信於百姓也主君

曰善

此曰主曰主君主父故在
也然則上章五當作三

蘇子

元作秦
下同

說李兌曰雒陽乘軒車蘇某

元作
秦

家貧親

老無罷車駑馬

罷疲同猶歇
也車勞則歇

桑輪蓬篚羸

元作
羸

滕負

書擔囊觸塵埃蒙霜露越河漳

元作漳河

足重繭

繭足也

日

百而舍

日行百里乃就舍

造外關願見於前口道天下之事

李允曰先生以鬼之言見我則可若以人事允盡知之矣蘇子對曰臣固以鬼之言見君非以人之言也

李允見之蘇子曰今日臣之來也暮後郭門

門閉後至不及

其間時藉席無所得

藉謂侍

寄宿人田中傍有大叢夜半

土梗與木梗

土亦言梗木為類也

因

關曰汝不知我我者乃土

也使我逢疾風淋雨

淋言其大能沃物

壤沮乃復歸土今汝

非木之根則木之枝耳汝逢疾風淋雨漂入漳河東

流至海汜濫無所止臣竊以為土梗勝也

此喻不切於死之事

蓋以鬼事發其言耳

今君殺主父而族之

殺在四年言族則其宗多死者

君之

立於天下危於累卵君聽臣計則生不聽臣計則死

李兌曰先生就舍明日復來見兌也蘇子出李兌舍

人謂李兌曰臣竊觀君與蘇公談也其辯過君其博

過君君能聽蘇公之計乎李兌曰不能舍人曰君即

不能願君堅塞兩耳無聽其談也明日復見終日談

而去舍人出送蘇君蘇子謂舍人曰昨日我談粗而君動今日精而君不動何也舍人曰先生之計大而規高吾君不能用也乃我請君堅塞兩耳無聽談者

雖然先生明日復來吾請資先生厚用言使充厚而用之明

日來抵掌而談李允送蘇子明月之珠覽且訓注和

氏之璧下和所獻楚文王者黑貂之裘黃金百鎰元從蘇子得

以為用西入於秦

趙王封孟嘗君以武城屬清河即下東武城北當田文奔薛後孟嘗君擇

舍人以為武城吏而遣之曰鄙語豈不曰借車者馳

之

借車與衣同將馳且被也今云然蓋常常馳而弗愛也

借衣者被之哉皆對

曰有之孟嘗君曰文甚不取也夫所借衣車者非親友則兄弟也夫馳親反之車被兄弟之衣文以為不可令趙王不知文不肖而封之以武城願大夫之往

也毋伐樹木毋發屋室訾然使趙王悟而知文

訾不

意也言其不期得知而見知知其善任人也

謹使遣使

可全而歸之

齊欲攻宋

閏三十八年

秦令起賈

人姓名

禁之齊乃援

元

抹趙以伐宋

以趙自助

秦王

昭

怒屬怨於趙李兌約五國

以伐秦

韓趙魏燕齊也文不書獨趙策見之

無功留天下之兵於成臯

而陰講

元從才從莒

於秦又欲與秦攻魏以解其怨

解秦怨

而取封焉

自封之封非封也

魏王

昭

不說之齊人補謂齊王

曰臣為足下謂魏王曰三晉皆有秦患今之攻秦也

為趙也

本以秦屬怨於趙故

五國伐趙

此設詞也言趙初約伐秦今乃與秦講若同伐

趙趙可亡也

趙必亡矣齊遂李兌

講秦背齊不伐宋者兌也

李兌必死

今之伐秦也以救李子之死也今趙留天下之甲於

成臯而陰鬻之於秦已講則令秦攻魏以成其私封

王之事趙也何得矣且王嘗濟於漳而身朝於邯鄲

抱陰城

成屬涿郡又孔子世家注太山鉅平有武城

負蒿

地

葛孽

元作薛趙記注

在馬丘又葛城在高陽屬涿郡

為趙蔽而趙無為王行也今又以河

陽

屬河內

姑密

密茂同魯縣有姑茂城

封其子

允

而乃令秦攻王

以便取陰人比然而後知賢不

言人必以類相比乃可知如王言

王今者若用所以事趙之半收齊天下有敢謀王者乎

王之事齊也無入朝之辱無割地之費齊為王之故

虛國於燕趙之前

虛國謂
悉出兵

用兵於二千里之外故攻

城野戰未嘗不為王先被矢石也得二都割河東盡

効之於王自是之後秦攻魏齊未嘗不歲至於王之

境也請問王之所以報齊者可乎韓珉

元作珉從韓
策後並同

處於趙

珉下皆齊人
去齊者

去齊三千里正以此疑齊

珉處
趙意

別有謂魏以其
在趙疑齊親趙

曰有秦陰

疑齊親趙因私於
秦以趙嘗講秦也

今王又

挾故薛公以為相

史稱文去齊如魏在閔王三十八
年後按此則其如魏以齊王驕也

伐宋前已
去齊兵

善韓齊以為上交尊虞商以為大客

皆齊
人之

去齊者元作王顧元作可以反疑於齊乎用齊之所不善失在魏也安可疑齊

於魏王聽此言也甚誣此下此士自陳其說魏之効誣猶順其欲事王

齊也言其事齊比於甚循其怨於趙怨趙則又順也臣願王之亟元

日聞魏與魏相聞而無庸見惡也臣請為王推其怨於趙

推猶移怨魏怨願王之陰重元作趙而無使秦之見王之重

趙也秦見之且亦重趙天下得趙則強使秦知齊重趙恐齊強亦必重之齊

秦交重趙臣必見燕與韓魏亦且重趙也皆且無敢

與趙治治猶三國事趙趙從親以合於秦必為王高

矣

言趙居齊上

臣故欲王之徧劫天下而皆私甘之也

則私

所謂無使見也甘言說之

王使臣以韓魏與燕劫趙使丹也甘之

丹順皆人名

以趙劫韓魏

此下皆且且且劫

使臣也甘之以三晉

劫秦使順也甘之以天下劫楚使珉也甘之則天下

皆徧秦以事王

自以見徧於秦也秦於天下有徧而已不如齊之有劫有攻也

而不

敢相私也交定而後王擇焉

此章亦可為齊姑因舊

齊將攻宋而秦楚禁之齊因欲與趙趙不聽齊乃令公

孫衍說李兌以攻宋而定封焉李兌乃謂齊王閔曰

臣之所以堅三晉以攻秦者非以為齊得利秦之毀

也

不以毀秦為齊之利

欲以使攻宋也而宋置太子以為王下

親其上而守堅臣是以欲足下之速歸休士民也今

太子走諸善太子者皆有死心

太子為王及走史不書太子為王矣而走

必王之黨逐之故太子之人以死報之

若復攻之其國必有亂而太子

在外此亦舉宋之時也已臣為足下使公孫衍說秦

陽君

蘇秦從時已言奉陽死矣
豈或襲稱如馬服者乎

曰君之身老矣封不

可不可早定也為君慮封莫若於宋他國莫可夫秦

人貪韓魏危

近秦

燕楚僻

元作辟

中山之地薄莫如於

陰失令之時不可復得已宋之罪重齊之怒深殘亂

宋德

元作得

大齊定身封此百代一時也已奉陽君甚

貪

元作食

之唯得大封齊無大異

言奉陽欲得陰以大其封而齊待之未有

異數不可

臣願足下之大發攻宋之舉而無庸致兵以觀

奉陽君之應足下也縣陰以甘之

許之而未與故曰聽

循有燕

以臨之

循言與燕順臨猶制也不徒甘之必或制之

而臣待忠之封

待將忠

猶實也王許之封而已實之

事必大成臣又願足下有地効於襄

安君

蓋趙人

以資臣也足下果殘宋此兩地之時也

言有

齊又得宋

足下何愛焉若足下不得志於宋與國何敢望

也

與國趙也言奉陽襄安不敢望封

足下以此資臣也臣循燕觀趙

觀言其無所事

則足下擊潰而決天下矣

潰潰癰也蓋喻其制天下之易也決

猶制

齊攻宋奉陽君不欲客謂奉陽君曰君之春秋高矣而

封地不定不可不熟圖也秦之貪韓魏危燕

元作衛

楚

僻

元作正蓋僻四聲近匹又訛作正字

中山之地薄宋罪重齊怒深殘

伐亂宋定身封德強齊此百代之一時也

五國伐秦無功罷於成臯趙欲講

元從才從
尋下同

於秦楚與

韓魏將應之齊弗欲蘇代謂齊王曰臣已為足下

見奉陽君矣臣謂奉陽君曰天下散而爭秦

爭一作
事爭先

事秦必據宋魏冉必妬君之有陰也秦王貪魏冉妬

則陰不可得已矣君無講齊必攻宋齊攻宋則楚必

攻宋魏必攻宋燕趙助之五國據宋不至一二月陰

必得矣得陰而講秦雖有變君無患矣

趙非不可以
與秦講而不

可獨講獨講則示秦弱秦必輕之今助四國攻宋而得陰是五國為一也不懼秦矣若不得已

而必講

據此時趙可以無講故云

則願五國復堅約

同伐秦也先伐後講則不

示

五國

補兩字

願得趙

時趙強故

足下確飛

確者衆唯所從

與韓氏

大吏東勉

元作免

齊王必無名禁

補珉也

元作珉

下同前齊嘗使韓

珉處趙有秦私也今五國約講秦勉齊同之諸國必無辭止珉使無私秦

使臣守約若與

國

秦本非與今講必使之如與也

有倍約者

倍並音背

以四國攻之無倍

約者而秦侵約五國復堅而償

元作賁

之今韓魏與齊

相疑也若復不堅約而講

此因舊

臣恐與國之大亂也

齊秦非復合也必有觥

元作跽下同

重者矣

角一俯一仰曰觥言有偏

重後合與觥重者皆非趙之利也且天下散而事秦

是秦制天下也秦制天下將何以天下為

天下自為秦用趙無

所用之也

臣願君之蚤計也天下爭秦有六舉皆不利趙

矣天下爭秦秦王

昭

受負海

衍內

之國

山東皆負海

合負

親之交

天下嘗橫而親秦矣已而負之今復合之

以據中國而求利於三

晉是秦之一舉也秦行是計不利於趙而君終不得

陰一矣天下爭秦秦王內韓珉於齊內成陽君於韓

相魏懷於魏

此皆其國之人與復合衍公孫衍時相秦事者故秦納之魏雅不善秦

今相懷因使合之

交兩王

秦魏

王賁韓佗之楚

元作曹此皆秦人

皆起

而行事是秦之一舉也秦行是計也不利於趙而君

不得陰二矣天下爭秦秦王受齊受趙三強三親

此三

皆強國自相親

以據魏

據猶臨之

而求安邑

秦求之

是秦之一舉也

秦行是計齊趙應之魏不待伐抱安邑而倍秦

此倍益也

秦得安邑之饒魏為上交韓必入朝秦過趙已安邑

矣

過猶勝也言秦行此策不論其它止得安邑已勝於趙矣

秦行是計不利於趙

而君必不得陰三矣天下爭秦堅燕趙之交以伐

齊收楚與韓珉而攻魏

代齊得之則珉為用

是秦之一舉也秦

行是計而燕趙應之燕趙伐齊兵始用

交鋒之初

秦因收

楚而攻魏

三國交鋒勢不得解故得以此時收攻二國

不至一二月魏必

破矣秦舉安邑而塞女戟

地

韓之太原絕下軹

元作

道南陽而

元作高

伐魏絕韓包二周即趙自消燍矣國

燍於秦

燍猶

兵分於齊非趙之利也而君終身不得

陰四矣天下爭秦秦堅三晉之交攻齊國破財

元作曹

屈

三晉破屈也

而兵東分於齊

兵分謂魏

秦按兵攻魏取安邑

此與上始用兵而攻收同

是秦之一舉也秦行是計也君按救魏

按謂安然

是以攻齊之已敝救之而

補兩字

與秦爭戰也君

不救也韓魏焉免西合

合秦合

國在謀之中

在秦謀中

而君

有終身不得陰五矣

又有猶又

天下爭秦秦按為義存亡

繼絕固危扶弱定無罪之君必起中山與勝焉

勝中山之

後秦起中山與勝而趙宋同命

此時宋小弱言趙失中山聽命於秦與宋

同也何暇言陰六矣故曰君必無講則陰必得矣奉陽

君曰善乃絕和於秦而收齊魏以成取陰

趙收天下且以伐齊蘇厲

元作秦

為齊上書說趙王曰臣

聞古之賢君德行非施於海內也教順慈愛非布於

萬民也祭祀時享非當於鬼神也甘露降風雨時農

夫登穀熟

曰登

年穀豐盈衆人善之而賢主惡之

惡心不安也以

其無以

致之故今足下功力

謂戰代

非數痛加於秦國而怨毒

積惡非曾深陵於韓也臣竊外聞大臣及下吏之議

皆言王前專據

言行之不疑

以秦為愛趙而憎韓臣竊以

事觀之秦豈得愛趙而憎韓哉欲亡韓吞兩周之地

故以韓為餌

趙時惡韓故秦以亡韓
悅趙趙遂以為愛已也

先出聲於天下

欲鄰國聞而觀之也

觀其愛趙

恐其事不成故出兵以佯

示趙魏

虛以伐韓示之

恐天下之驚覺故微伐

補

韓以貳之

貳猶疑

恐天下疑已故出質以為信聲德於與國而實

伐空韓

如上文則伐韓非秦所急也此言實伐者韓之在秦掌握中物耳故不急於伐恐趙不以

為德故終伐之其伐之亦欲以吞周而非愛趙也

臣竊觀其圖之也議秦以

謀計

議猶意

必出於是且夫說士之計皆曰韓亡三川

魏滅晉國

晉國謂安邑

是元作韓

韓未窮而禍及於趙

三晉唇齒

之國故韓亡則魏滅魏滅而禍及於趙不待韓滅盡

且物固有勢異而患同

者又有勢同而患異者昔者楚人久伐而中山亡

此言

楚受秦伐趙無秦患故破中山滅之故秦昭八年再敗楚遂言趙破中山

今燕盡韓之河

南盡言得其地

距沙邱而至鉅鹿之界

鉅鹿冀州郡

三百里此

皆言距於扞關至於榆中

屬金城下

五百里秦盡韓

魏之上黨則地與國都

國謂趙

邦屬而壤挈者

言為秦所取

言取之易

七百里秦以三軍強弩坐羊腸

元作唐

之上即地

去邯鄲二十里且秦以三軍攻王之上黨而危其北

則勾注之西屬鴈門非王之有也今踰元作魯勾注禁常

山而守守猶開三百里通於唐曲遇元作吾此代馬胡駒

不東而崑山之玉後志金城臨不出也此三寶者又

非王之有也今從於強秦與元作國之伐齊臣恐其禍

出於是矣五國之主齊楚魏嘗合橫而謀伐趙三分

趙國壤地著之盤盂取太公為武王屬之讐柞讐柞

同言其相屬伐五國之兵有日矣齊元作韓乃西師

以禁秦國

禁閱拒之

使秦發令素服而聽

今令其國素服者兵敗以喪禮

自居也史不書

反溫軹

元作枳並屬河內

高平於魏

高平屬臨淮安定亦有

反

三公什清於趙

公字疑誤安定有三水朔方有三封渤海有三戶皆近趙張儀傳塞什谷

之口當屯留之道則什近屯留後志中牟注有清口皆趙地也

此王之明知也夫齊

事趙宜為上交

以其有志為趙閉秦

今乃以邸罪取伐

邸抵同至也

臣恐其後事王不敢自必也今王收齊補天下必以

王為得齊齊補

危社稷以事王天下必重王然則齊

義王以天下就之

趙得天下之交而屈就齊故齊以為義

下至齊慕王

以天下收之

就之上也
故收言下

是一世之命制於王已臣願

大王深與左右羣臣卒計而重謀先事成慮而熟圖

之也

趙惠文十
六年有

秦攻趙蘭離石祁拔趙以公子郢為質於秦而請內焦

弘農陝
有焦城

黎東郡有黎
即黎陽

牛狐之城

地缺

以易蘭離石祁於

秦

元作
趙

趙背秦不予焦黎牛狐秦王

昭

怒令公子緡

請地趙王乃令鄭朱對曰夫蘭離石祁之地曠遠於

趙而近於大國有先王之明與先臣之力故能有之

今寡人不逮

不及先王

其社稷之不能恤安能收恤蘭離

石祁乎寡人有不令之臣實為此事也非寡人之所

敢知卒背秦秦王大怒令衛胡易

史無易字

伐趙攻閼與

後志上黨趙奢將救之

此二十九年破秦閼與下

魏令公子咎以

銳師居安邑以挾秦

挾牽制之

秦敗於閼與反攻魏幾

魏將

廉頗

趙將信平君

救幾大敗秦師

鄭同北見趙王趙王曰子南方之博士也

同鄭人鄭在趙之南博士

辯博之士

何以教之鄭同曰臣南方草鄙之人也

鄙猶野

何

足問雖然王致之於前安敢不對乎臣少之時親嘗

教以兵趙王曰寡人不好兵鄭同因撫手仰天而笑

之曰

撫摩也

兵固天下之狙喜也

狙獾屬而狡黠言兵家如之而可喜臣

故意大王不好也臣亦嘗以兵說魏昭王

昔

昭王亦

曰寡人不喜臣曰王之行能如許由乎許由無天下

之累故不愛

元作受

也今王既受先王之傳欲宗廟之

安壤地不削社稷之血食乎王曰然

此下同對

今有人操

隋侯之珠持

一下脫一字

丘之環

未詳

萬金之財時宿於野內

無孟賁之威荆慶之斷

荆成荆范睢傳注古勇士又慶卿古字通應訓荆有飲

非斬蛟孔子聞之博物志以為荆軻非也又或是成荆慶忌二人說林訓曰王子慶忌足躡麋鹿手搏兕虎

外無弓弩之禦不出宿夕

一宿二夕初夜

人必危之矣今

有強貪之國臨王之境索王之地告以理則不可說

以義則不聽王非戰國守圉之具

圉亦守

其何以當之

王若無兵鄰國得志矣趙王曰寡人請奉教

彪謂鄭同陳喻

甚高然自春秋至是天下未嘗無兵故孔孟皆以兵為諱今捨俎豆之事仁義之說而專談兵此蓋多之論也

樓緩將使伏事辭行

伏猶隱也將出使恐王疑之於辭日以隱伏之事要王使信已也

謂趙王曰臣雖盡力竭智死不復見於王矣王曰是

何言也固且為書而厚寄卿樓子曰王不聞公子牟

夷

宋公子

之於宋乎非肉不食

言其貴莊十年注肉食在位者

文張

它國

人善宋

宋王善之

惡公子牟夷宋

元作寅

然之

補之字言牟夷之親而文

張以遊客能使宋聽其說况已乎

今臣之於王非宋之於公子牟夷

也而惡臣者過文張故臣死不復見於王矣王曰子

勉行矣寡人與子有誓言矣樓子遂行後以中牟反

入梁

史不書

候者來言而王弗聽曰吾已與樓子有言

矣

此言奸人不可盡信

燕封宋人榮叟高陽君使將而攻趙趙王因割濟東三

城合

元作令下同

盧

屬泰山

高唐

屬平原

平原陵地城市邑五

十七

平原青州郡

命以與齊而以求安平君而將之馬服

君謂平原君曰國奚無人甚哉君致安平君而將之

乃割濟東三城

補

合城市邑五十七以與齊此夫

辭夫

也謂三城子與敵國戰覆軍殺將之所取割地於敵國者

也此取之彼割之也

今君以此與齊而求安平君而將之國

奚無人甚哉且君奚不將奢也奢嘗抵罪居燕燕以奢為上谷守燕之通谷要塞奢習知之百日之內天下之兵未聚奢已舉燕矣然則君奚求安平君而為將乎平原君曰將軍釋之矣僕已言之僕主矣僕主幸已聽僕也將軍無言已馬服君曰君過矣君之所以求安平君者以齊之於燕也茹肝涉血之仇耶謂即

墨之

其於奢也不然

奢於燕非仇

使安平君愚固不能當

榮盆使安平君智又不肯與燕人戰此兩言者安平

君必處一焉雖然兩者有一也使安平君智則奚以

趙之強為趙強則齊不復霸矣今得強趙之兵以杜

燕將

杜猶拒

曠日持久

兵相持日久

數歲令士大夫餘子之

力盡於溝壘車甲羽毛剝敝

羽毛謂箭翎即裂字

府庫倉廩虛

兩國交以習之

習言玩其兵

乃引其兵而歸夫盡兩國之

兵無明此者矣是

元作夏

軍也懸釜而炊得三城

衍也字

城大無能過百雉者

隱元年注方丈曰堵三堵為雉

果如馬服之言

也

彪謂馬服之請將自知名也其策安平知彼明也夫安平齊宗也其不強趙以奪齊之霸人之情也

此言若易聽而不見
聽孰謂平原君智乎

趙惠文王三十年相平都君田單

元作都平按史單無都平之稱魏策三言

平都今從之又按孝成元年單將趙師攻燕二年為相蓋相平都而將之實自惠文至孝成乃攻燕復相

也問趙奢曰吾非不說將軍之兵法也所以不服者

獨將軍之用衆用衆者使民不得耕作糧食輓賃賃所

稅於民者不可給也此坐而自破之道也非單之所為也

單聞之帝王之兵所用不過三萬而天下服矣今將軍必負十萬二十萬之衆乃用之此單之所不服也

馬服君曰君非徒不達於兵也又不明其時勢

兵則吳干

之喻時勢則萬國七國之異

夫吳干之劍

吳王使干將鑄之故云

肉試則斷

牛馬金試則截盤匱

匱盪器

薄之柱上而擊之

薄猶迫則

折為三質之石上而擊之

質以石為鑿

則碎為百今以三

萬之衆而應強國之兵是薄柱擊石之謂也且夫吳

干之劍材難

材謂脊胛之類不易得也

夫無

元作母

脊之厚而鋒不

入無胛之薄

胛近刃處

而刃不斷兼有是兩者無鈎竿

元作

罕下

鐔蒙須之便

鈎劍頭銀竿與桿同集韻柄也鐔珥鼻也蒙須疑為劍繩猶蒯緱也

爾雅草有夫須
蓋以草為繩

操其刃而刺則未入而手斷君無十

餘二十萬之衆而為此鉤竿鐔蒙須之便而徒以三
萬行於天下君焉能乎且古者四海之內分為萬國
城雖天無過三百丈者人雖衆無過三千家者而以
集兵三萬集言平時團
集非烏合也距此奚難哉今取古之為萬
國者分以為戰國七不補能具數十萬之兵曠日持
久數歲即君之齊已言以三萬拒數十萬必敗亡
也齊嘗為燕昭所破故云齊
以二十萬之衆攻荆五年乃罷趙以二十萬之衆攻

中山五年乃歸

此言雖衆猶不亟得志况三萬乎

今者齊韓相方

猶方

比猶敵

兩國圍攻焉

兩國或圍或攻

豈有敢曰我其以三萬救

是者乎哉今千丈之城萬家之邑相望也而索以三

萬之衆

索猶求

圍千丈之城不存其一角

言城大兵少曾不處城之

一角豈能合圍

而野戰不足用也

既不能圍亦不可戰

君將以此何之

平都君喟然太息曰

喟即太息

單不至也

至猶及也言慮不及此

兵不期少多商敵為數耳單也以少擊衆奇兵也奢也

務出奇奇不可論也單也狃於即墨之勝

欲以奇為常而廢正此其論所以屈也

孝成王

惠文王子元年
報王五十年丙申

趙太后

惠文王
威后

新用事秦急攻之趙氏求救於齊齊曰

必以長安君為質

長安孝
成母弟

兵乃出太后不肯大臣強

諫太后明謂左右有復言令長安君為質者老婦必

唾其面左師

官名

觸讐願見太后盛氣而揖之入而徐

趨至而自謝曰老臣病足曾不能疾走不得見久矣

竊自恕

久不見宜得罪
今自寬而求見

恐太后玉體之有所郤也

郤

同以已病足因恐后不能前亦自恕以及人也

故願望見太后曰老婦恃輦

而行曰日食飲得無衰乎曰恃鬻耳曰老臣今者殊

不欲食乃自強步日三四里少益嗜食和於身曰老

婦不能太后之色少解左師公曰老臣賤息舒祺

息其

子舒祺名也最少不肖而臣衰竊愛憐之願令補黑衣之

數尸祝之服所謂衺服又蕭望之傳注朝時皆著皂衣以衛王宮沒死以聞

沒者

沉溺無見之辭太后曰敬諾年幾何矣對曰十五歲矣雖少

願及未填溝壑而託之死則填壑太后曰丈夫亦愛憐其

少子乎對曰甚於婦人太后曰婦人異甚異於丈夫而有甚焉

對曰老臣竊以為媼之愛燕后

媼女老稱燕后太后語

賢於長

安君曰君過矣不若長安君之甚左師公曰父母之

愛子則為之計深遠媼之送燕后也持其踵為之泣

念悲其遠也

念且悲

亦哀之矣已行非勿思也祭祀必

祝之祝曰必勿使反豈非計久長有子孫相繼為王

也哉太后曰然左師公曰今三世以前至於趙之為

趙趙王之子孫侯者其繼有在者乎曰無有曰微獨

趙

微猶非

諸侯有在者乎曰老婦不聞也

此下左師對

此其

近者禍及身遠者及其子孫豈人生之子侯則必不善哉位尊而無功奉厚而無勞而挾重器多也

重器謂名

位金玉

今媼尊長安之位而封以膏腴之地多予之重

器而不及今令有功於國一旦山陵崩長安君何以自託於趙老臣以媼為長安君計短也故以為其愛不若燕后太后曰諾恣君之所使之於是為長安君約車百乘質於齊齊兵乃出子義趙之賢士聞之曰人主之子也骨肉之親也猶不能恃無功之尊無勞之奉

以守金玉之重也而况人臣乎

趙記元年有虜謂觸讐諫穀皆以從容

納說而取成功與夫強諫於庭怒罵於坐髮上衝冠自待必死者力少而功倍矣元帝謂張猛曰曉人不

當如是耶
二士有焉

秦王昭謂公子他曰昔歲殺下之事

即秦惠七年五國攻函谷事函殺地

近故韓為中軍以與諸侯攻秦韓與秦接境壤界其

地不能千里展轉不可約

展轉猶反覆

日者秦楚戰於藍

田秦惠文後

韓出銳師以佐秦秦戰不利因轉與楚

不固信盟唯便是從韓之在我心腹之疾吾將伐之

何如公子他曰王出兵韓

軍於其地

韓必懼懼則可以不

戰而深取割王曰善乃起兵一軍臨滎陽一軍臨太

行韓補恐使陽城君

疑當作成陽秦昭十七入朝者也

入謝於秦請

効上黨之地以為和令韓陽告上黨之守靳黈

元作黈字

書無此字下同

曰秦起二軍以臨韓韓不能支今王

桓惠令韓

興兵

恐守不効地故

以上黨入和於秦使陽言之太守太守

其効之靳黈曰人有言挈瓶之智

挈瓶之智人之智

不失守器

所守之器謂瓶

王則有令而臣太守雖王與子其亦

元作猜亦其猜

焉嫌其不能守臣請悉發發兵守以應秦若不能卒言戰敗不終事

則死之韓陽趨以報王王曰吾始已諾於應侯矣今

不與是欺之也乃使馮亭代靳黈馮亭守三十日陰

使人請趙王曰韓不能守上黨且以與秦其民皆不

欲為秦而願為趙今有城市之邑七十願拜納之於

王惟王才之才財趙王喜召平陽君元作平原史作平陽君趙豹是

也若果平原下文而告之曰韓不能守上黨且以與

秦其吏民不欲為秦而皆願為趙今馮亭令使者以

與寡人何如趙豹對曰臣聞聖人甚禍無故之利無故

得利聖人以為禍王曰人懷吾義何謂無故乎對曰秦蠶食

韓氏之地中絕不令相通故自以為坐受上黨也且

夫韓所以內趙者欲嫁其禍也秦被其勞而趙受其

利雖强大不能得之於小弱而小弱顧能得之强大

乎今王取之可謂有故乎且秦以牛田水通糧牛田秦地

缺因其水為漕其死士皆列之於上地韓之上流令嚴政行不可

與戰王自圖之王大怒曰夫用百萬之衆攻戰踰年

歷歲未見一城也今不用兵而得城七十何故不為

趙豹出王召趙勝趙禹而告之曰韓不能守上黨今

其守以與寡人有城市之邑七十二人對曰用兵踰

年未見一城今坐而得城七十二補此二字此大利也乃使

趙勝往受地勝至曰敝邑之王使使者臣勝告補太

守有詔使臣勝有詔秦人語耳謂曰請以三萬戶之都封太

守千戶封縣令諸吏皆益爵三級民能相集者賜家

六金馮亭垂涕而免曰元作勉免辭也是吾處三不義也為

主守地不能死而以與人不義一也主內之秦不順

主命不義二也賣主之地而食之

食食封戶也

不義三也

辭封而入韓謂韓王曰趙聞韓不能守上黨今發兵

已取之矣韓告秦曰趙起兵取上黨秦王怒令公孫

起王齎以兵遇趙於長平

趙記四年有馮亭下彪謂平陽嫁禍之言豈不易

曉而孝成怒之昏於利也勝禹入而順旨以濟其欲不幾於一言而喪邦與故為邦者以遠倭人為急

秦趙戰於長平趙亡一都尉

軍尉也

趙王召樓昌與虞卿

曰軍戰不勝尉係死

係尉名

寡人使卷甲而趨之

襲之也

何如樓昌曰無益也不如發重使而為講

元從汝從
講求和也

與講無異義而此書兩字
互用今以御名並作講

虞卿曰夫言講者以為不

講者軍必破而制講者在秦

制言聽
石由之

且王之論秦也

欲破王之軍乎其不邪王曰秦不遺餘力矣必且破

趙軍虞卿曰王聊聽臣發使出重寶以附楚魏楚魏

欲得王之重寶必入吾使趙使入楚魏秦必疑天下

合從也且必恐如此則講乃可為也趙王不聽與平

陽君為講

與從
之也

發鄭朱入秦秦內之趙王召虞卿曰

寡人使平陽君講秦秦已內鄭朱矣子以為奚如虞
卿曰王必不得講軍必破矣天下之賀戰勝者皆在
秦矣鄭朱趙之貴人也而入於秦秦王昭與應侯必
顯重以示天下楚魏以趙為講必不救王秦知天下
不救王則講不可得成也趙卒不得講軍果大敗王

入秦秦留趙王而後許之講

虞卿傳有

秦攻趙於長平大破之引兵而歸因使人索六城於趙

而講

元作御名史書此事在邯鄲圍解後按邯鄲之
圍非秦德趙而解也趙賴魏之力耳何事朝秦

而講以六城此策以長
平破懼而賂之是也

趙計未定樓緩新從秦來趙

王與樓緩計之曰與秦城何如不與何如樓緩辭讓

曰此非

衍人字

臣之所能知也王曰雖然試言公之私

樓緩曰王亦聞夫公甫文伯母乎公甫文伯官於魯

病死婦人為之自殺於房中者二八其母聞之不肯

哭也相室曰焉有子死而不哭者乎其母曰孔子賢

人也逐於魯是人

稱是人不自子之也

不今死而婦人為死

者十六人若是者其於長者薄而於婦人厚故從母

言之為賢母也從婦言之必不免為妬婦也故其言一也言者異則人心變矣今臣新從秦來而言勿與則非計也言與之則恐王以臣之為秦也故不敢對使臣得為王計之不如與之王曰諾虞卿聞之入見

王王以樓緩言告之虞卿曰此飾說也

猶飾辯此下衍秦既解邯

邯止六縣而
講二十四字

王曰何謂也虞卿曰秦之攻趙也倦而

歸乎王以其力尚能進愛王而不攻乎王曰秦之攻我也不遺餘力矣必以倦而歸也虞卿曰秦以其力

攻其所不能取倦而歸王又以其力之所不能攻而

資之是助秦自攻也來年秦復攻王王無以救矣王

以虞卿之言告樓緩

史云告趙郝

樓緩曰虞卿能盡知秦

力之所至乎

至猶及也虞卿言秦力倦而歸謂秦誠力所及止是耳秦力豈止是而已乎

不

補知秦力之所

元作不

至此彈丸之地猶不予也今

秦來年復攻王得無割其內而講乎王曰誠聽子割

矣子能必來年秦之不復攻我乎樓緩對曰此非臣

之所敢任也昔者三晉之交於秦相善也今秦釋韓

魏而獨攻王王之所以事秦必不如韓魏也今臣為

足下解負親之攻

趙嘗親秦而復負之故秦攻之今為講所以解也

啓關通

幣

元作敵

齊交韓魏

使其交秦與韓魏等

至來年而王獨不取於

秦

不為秦所取

王之所以事秦者必在韓魏之後也此非

臣之所敢任也王以樓緩之言告虞卿虞卿

補兩字曰

樓緩言不講來年秦復攻王得無更割其內而講今

講樓緩又不能必秦之不復攻也雖割何益來年復

攻又割其力之所不能取而講也此自盡之術也不

如無講秦雖善攻不能取六城趙雖不能守亦元作而

不至失六城秦倦而歸兵必罷並音疲我以六元作五下同

城收天下以攻罷秦是我失之於天下而取償於秦

也吾國尚利孰與坐而割地自弱以強秦今樓緩曰

秦善韓魏而攻趙者必王之事秦不如韓魏也是使

王歲以六城事秦也即坐而地盡矣來年秦復求

割地王將予之乎不與則是棄前資元作貴而挑秦禍

也史註挑戰為致師則此言禍自我致也與之則無地而給之語曰強者

善攻而弱者不能自守今坐而聽秦秦兵不敵而多

得地是強秦而弱趙也以益

衍愈字

強之秦而割愈弱

之趙其計固不止矣

言割不止

且秦虎狼之國也無禮義

之心其求無已而王之地有盡以有盡之地給無已

之求其勢必無趙矣故曰此飾說也王必勿與王曰

諾樓緩聞之入見於王王又以虞卿之言告之樓緩

曰不然虞卿得其一未知其二也夫秦趙構難而天

下皆說何也曰我將因強而乘弱

乘猶陵

今趙兵困於

秦天下之賀戰勝補者則必在於秦矣故不若亟割

地求和以疑天下慰秦心不然天下將因秦之怒乘

趙之敝而瓜分之

分其地如破瓜然

趙且亡何秦之圖王以

此斷之勿復計也虞卿聞之又入見王曰危矣樓子

之為秦也

為秦計深而趙勢危

夫趙兵困於秦又割地為和是

愈疑天下而何慰秦心哉不亦大示天下弱乎且臣

曰勿予者非固勿予而已也秦索六城於王王以六

城賂齊齊秦之深讐也

當爭為帝

得王六城并力而西擊

秦也齊之聽王不待辭之畢也是王失於齊而取償

於秦一舉結三國之親韓魏本趙與國與齊為三而與秦易道也

趙王曰善因發虞卿東見齊王建與之謀秦虞卿未

反秦之使者已在趙矣樓緩聞之逃去虞卿傳有次第不同先云

秦既解邯鄲與今所行二十四字同次虞卿謂趙王曰秦之攻王也倦而歸乎止勢必無趙矣次趙王計

未定樓緩從秦來止此飾說也次王必勿與樓緩聞之止緩聞之逃去龐謂虞卿可謂見善明者矣當

趙以四十萬覆於長平之下凡在趙庭之臣孰不魄奪氣喪願講秦以偷須臾之寧卿獨為之延慮却願

折樓緩之口挫強秦之心反使秦人先趙而講於此亦足以見從者天下之勢七國辯士策必中計必得

而不失其正唯卿與
陳軫有焉賢矣哉

秦圍趙之邯鄲

此九年

魏安釐王使將軍晉鄙救趙畏秦

止於蕩陰

屬河內

不進魏王使客將軍辛垣衍

稱客則衍他國

人仕魏也間入邯鄲

間謂微行

因平原君為趙王曰秦所以急

圍趙者前與齊閔王爭強為帝已而復歸帝以齊故

由齊不稱秦亦去之

今齊

衍閔王字今乃衰王耳史亦誤

益弱方今唯秦雄天

下此非必貪邯鄲其意欲求為帝趙誠發使尊秦昭

王為帝

稱謚非當時語

秦必喜罷兵去平原君猶豫未有所

決此時魯仲連適遊趙會秦圍趙聞魏將欲令趙尊
秦為帝乃見平原君曰事將奈何矣平原君曰勝也
何敢言事百萬之衆折於外今又內圍邯鄲而不去
魏王使客將軍辛垣衍令趙帝秦今具人在是勝也
何敢言事魯連曰始吾以君為天下之賢公子也吾
乃今然後知君非天下之賢公子也梁客辛垣衍安
在吾請為君責而歸之平原君曰勝請為召而見之
於先生平原君遂見辛垣衍曰東國有魯連先生

東國

謂齊

其人在此勝請為紹介

郭璞曰紹介相佑助也

而見之於將

軍辛垣衍曰吾聞魯連先生齊國之高士也衍人臣

也使事有職吾不願見魯連先生也平原君曰勝已

泄之矣

泄言已白之

辛垣衍許諾魯連見辛垣衍而無言

辛垣衍曰吾視居此圍城之中者皆有求於平原者

也今吾視先生之玉貌非有求於平原君者曷為久

居此

元作若

圍城之中而不去也魯連曰世以鮑焦之

周

介士見莊子

無從容而死者皆非也

其人介故人謂之然

今衆人不

知則為一身

不知者以其抱木死為無以自養不知其非世也明已今亦然

彼秦棄

禮義而上首功之國也

秦制爵二十戰獲首級者計功受爵時所尊上也 權

使其士虜使其民

視民如所虜獲

彼則肆然而為帝過而遂

正於天下

過猶不幸

則連有赴東海而死耳

元作矣

吾不忍

為之民也所為見將軍者欲以助趙也辛垣衍曰先

生助之柰何魯連曰吾將使梁及燕助之齊楚固助

之矣辛垣衍曰燕則吾請以從矣若乃梁則吾乃梁

人也先王烏能使梁助之邪魯連曰梁未睹秦稱帝

之害故也使梁睹秦稱帝之害則必助趙矣辛垣衍曰秦稱帝之害將奈何魯仲連曰昔齊威王嘗為仁義矣率天下諸侯而朝周周貧且弱諸侯莫朝而齊獨朝之居歲餘周烈王崩諸侯皆弔齊後往周怒赴於齊曰天崩地坼天子下席東藩之臣田嬰齊後至則斮之威王勃然怒曰叱嗟也而母婢也卒為天下笑故生則朝周死則叱之誠不忍其求也彼天子固固必猶然其無足怪辛垣衍曰先生獨未見夫僕乎

十人而從一人者寧力不勝智不若邪畏之也魯仲

連曰然梁之比於秦若僕邪辛垣衍曰然魯仲連曰

然則補吾將使秦王烹醢梁王醢肉也辛垣衍快然不

說曰嘻亦太甚矣先生之言也先生又惡能使秦王

烹醢梁王魯仲連曰固也待吾言之昔者鬼侯徐曰

有九侯城鄂侯鄂屬文王紂之三公也鬼侯有子而九一作鬼

好故入之於紂紂以為惡醢鬼侯鄂侯爭之急辯之

疾故脯鄂侯文王聞之喟然而歎故拘之於牖里之

庫

脯里在蒲陰

百日而欲令之死曷為與人俱稱帝王

卒就脯醢之地也齊閔王將之魯夷維子執策而從

策馬筮也

謂魯人曰子將何以待吾君魯人曰吾將以十

太牢待子之君夷維子曰子安取禮而來待吾君彼

吾君者天子也天子巡狩諸侯避舍納

行于字

筦鍵

也鍵其壯避納者示不敢有其國

攝衽抱几

几所据也

視膳於堂下天下

已食而聽退朝也魯人投其籥

籥籥同闕下壯也投者下其壯

不果

納不得入於魯將之薛假涂於鄒當是時鄒君死閔

王欲入弔夷維子謂鄒之狐曰天子弔主人必將倍

殯

倍言背之去

設北面於南方然後天子南面弔也鄒

之羣臣曰必若此吾將伏劍而死故不敢入於鄒鄒

魯之臣生則不得事養

齊時強二國不納必見代國人不得事老養幼

死則

不得飯含

以珠玉寶死者之口曰含此謂鄒舍去音

然且欲行天下之禮

於鄒魯之臣不果納今秦萬乘之國梁亦萬乘之國

交有稱王之名睹其一戰而勝欲從而帝之是使三

晉之大臣不如鄒魯之僕妾也且秦無已而帝

無已言無

止之者則且變易諸侯之大臣彼將奪其所謂不肖而

予其所謂賢奪其所憎而與其所愛彼又將使其子女讒妾為諸侯妃姬處梁之宮梁王安得晏然而已乎而將軍又何以得故寵乎於是辛垣衍起再拜謝曰始以先生為庸人吾乃今日而知先生為天下之士也吾請去不敢復言帝秦秦將聞之為却軍五十里適會公子無忌奪晉鄙軍以救趙擊秦秦軍引而去於是平原君欲封魯仲連魯仲連辭讓者三終不

肯受平原君乃置酒酒酣起前以千金為魯連壽魯

連笑曰所

元作此

貴於天下之士者為人排患釋難解

紛亂而無所取也即有所取者是商賈之人也仲連

不忍為也遂辭平原君而去終身不復見

仲連傳有
彪謂仲

連孔子之所謂逸民非周衰辯者之比也太史公贊
之貶矣夫說人者不可一概或委而順之若觸警或
折而服之若仲連然後能濟
天下之務不然決且悞矣

秦攻趙平原君使人請救於魏信陵君發兵至邯鄲城

下秦兵罷虞卿為平原君請益地謂趙王曰夫不鬪

一卒不頓一戟頓劔而解二國患者平原君之力用

人之力而忘人之功不可趙王曰善將益之地公孫

龍趙人著守白論莊子稱之距是聞補之見平原君

曰君無覆軍殺將之功言初封時以公子耳而封以東武城趙

國豪傑之士多在君之右右者人而君為相國者以

親也補故夫君封以東武城不讓無功不以無佩趙

國相印不辭無能一解國患欲求益地是親戚受封

而國人計功也國人受封必計其功與平原異為君計者不如勿受

便平原君曰謹受令乃不受封

彪為平原失計於馮亭以挑秦禍幾喪趙

國之半馴致邯鄲之圍何功之足論哉然因人成事亦有桑榆之收不可忘也虞卿之請帝王起賞之舉

孫龍之辭明指讓功之

誼皆君子之善言也

秦攻魏取寧邑

秦昭五十年拔寧魏地也徐以為趙非也後志朝歌有寧卿蓋秦圍邯鄲魏信

陵救之秦怒故解邯戰而取寧此九年

諸侯皆賀趙王使賀三反不得

通趙王憂之謂左右曰以秦之強得寧邑以制齊趙

諸侯皆賀吾往賀而獨不得通此必加兵我為之奈

何左右曰使者三往不得通者必所使者非其人也

曰諒毅者曰猶辨士也大王可試使之諒毅親受命

有

而往至秦獻書秦王昭曰大王廣地寧邑諸侯皆賀

敝邑寡君亦竊嘉之不敢寧居使下臣奉其幣物三

至王廷而使不得通使若無罪願大王無絕其歡若

使者有罪願得請之秦王使使者報曰吾所使趙國

者小大皆聽吾言則受書幣若不從吾言則使者歸

矣諒毅對曰下臣之來固大承大國之意也豈敢有

難大王若有以冷之請奉而行西行之無所敢疑於

是秦王乃見使者曰趙豹平原君數欺弄寡人趙能

殺此二人則可若不能殺請令率諸侯受命邯鄲城

下

欲戰而言受命譙辭也

諒毅曰趙豹平原君親寡君之母弟

也猶大王之有葉陽涇陽君也

史注葉陽一作華陽華陽羊戎也此言葉

陽為王之母弟則非戎矣葉不可作華

大王以孝治聞於天下衣服

衍使

字

之便於體膳啗之噉於口

啗食也膳之可食者集韻懽愜也

未嘗

不分於葉陽涇陽君葉陽君涇陽君之車馬衣服無

非大王之服御者臣聞之有覆巢毀卵而鳳凰不翔

剗胎焚天

天么同小也

而麒麟不至今使臣受大王之令

以還報敝邑之君畏懼不敢不行無乃傷業陽君涇

陽君之心乎秦王曰諾勿使從政諒毅曰敝邑之君

有母弟不能教誨以惡大國請黜之勿使與政事以

稱大國秦王乃喜受幣而厚遇之

彪謂諒毅可謂有專對之材矣觀其

辭令如見晉叔向鄭子產相與周旋於一堂之上而折論豹勝之事何甚似蕭同叔子也毅其深於春秋

者乎是舉也不辱君命不失

秦之心與觸擊同傳可也

趙使姚賈約韓魏韓魏

衍以

友之茅舉

元作舉茅舉趙人

為姚

賈謂趙王曰賈也王之忠臣也韓魏欲得之故友之將使王逐之而已因受之今王逐之是韓魏之欲得而王之忠臣有罪也故王不如勿逐以明王之賢而

折韓魏之招

元作招之

謂皮相國

趙相

曰以趙之弱而據之建信君

據猶任建信趙幸臣

涉

孟

蓋為精者與建信異趣故趙雖之

之讎然者何也以從為有功也

齊不從建信君

此從如字

知從之無功建信者安能以無

功惡秦哉

惡猶害也從有功乃能害秦耳

不能以無功惡秦則且出

兵助秦攻魏以楚趙分齊

為從無功則反助秦不則分齊齊雖不為從然與秦

爭衡故助秦則分齊之地分分其地

則是強畢矣

言建信國強之計盡於此建信春

申從

春申悼襄四年主從約發議於此時也

則無功而惡秦

言楚趙合則雖未見

功而有害秦之形

秦合

元作齊秦見二國合亦與齊合

齊亡魏則有功

而善秦

齊本不從建信今秦來合故助之攻魏以善之

故兩君者奚擇有功

之與

補無功為知哉

兩齊趙也趙知據建信而不知其不合楚不能成功齊不從建

信而不知其合楚足以成功不知所擇也

謂皮相國曰魏殺呂遼

魏臣秦所重也

而衛兵亡其比陽

屬南陽

附秦者也故魏殺秦重衛
為之亡魏之鄙以危之

而梁危河間封不定而趙

元作危時魏趙欲以封

文信不得志

文信呂不韋也
莊襄元年封此

十七年也未得
河間故不得志

三晉倍之憂也

文信欲得河間必伐
趙韓魏趙之與國故

其憂

今魏恥未滅

言嘗分
衛之憂

趙患又起

患文

文信之憂

大矣

文信為三
晉之憂

齊不從

不與山
東約從

三晉之心疑矣

疑從
之不

可憂大者不計而講

元作御名下同言趙必
求和於秦不待計也

心疑者

事秦急秦魏之講不待割而成

凡講必割地今急於
成不待已割蓋先講

也秦從楚魏攻齊獨吞趙

趙近秦秦攻
之不待楚魏

齊趙必俱亡

矣

此說欲趙以河間廣文
信封也 下有一章合此

魏使人因平原侯請從於趙三言之趙王不聽出遇虞

卿曰為人必語從

為為

虞卿入王曰今者平原君為

魏請從寡人不聽其於子何如虞卿曰魏過矣王曰

然故寡人不聽虞卿曰王亦過矣王曰何也曰凡強

弱之舉事強受其利弱受其害今魏求從而王不聽

是魏求害而王辭利也臣故曰魏過王亦過

虞卿傳
有彪

謂虞卿之所言皆為不倍道非反覆揣摩為人綾類
人也從之利害正爾雖微平原之託卿亦必云爾終

之趙利魏亦利矣唯不能必趙聽已
從而先有輕發則是有受害之形也

平原君謂馮忌

後稱外臣
知非趙人

曰吾欲北伐上黨出兵攻燕

何如馮忌對曰不可夫以秦將武安君公孫起乘七

勝之威

趙勝

而與馬服之子戰於長平之下大敗趙師

因以其餘兵圍邯鄲之城趙以亡敗之餘衆守破軍

之敝守

敵守守
邯戰

而秦罷於邯鄲之下趙守而不可拔

然者

言所
以然

攻難而守者易也今趙非有七克之威也

而燕非有長平之禍也今七敗之禍未復而欲以罷

趙

罷音疲

攻強燕是使弱趙為強秦之所以攻而使強

燕為弱趙之所以守而強秦以休兵

休息之兵

承趙之敝

此乃強吳之所以亡而弱越之所以霸故臣未見燕之可攻也平原君曰善哉

平原君謂平陽君曰公子牟

魏公子即下魏牟若莊子所稱中山者不與應侯同

時

游於秦且東而辭應侯

東歸魏

應侯曰公子將行矣

獨無以教之乎曰且微君之命命之也臣固且有効於君夫貴不與富期而富至富不與梁肉期而梁肉

至梁肉不與驕奢期而驕奢至驕奢不與死亡期而死亡至累世以前坐此者多矣應侯曰公子之所以

教之者厚矣僕得聞此僕平原自稱不忘於心願君之亦

勿忘也平陽君曰敬諾鹿謂此言者富貴之金石也有能書諸紳銘之凡杖勒之

盤孟則何亡國敗家之有

說張相國蓋梁人相趙嘗懷梁而鄙趙者曰君安能少趙人而令趙人

多君少多猶薄原君安能憎趙人而令趙人愛君乎夫膠

漆至黏也而不能合遠鴻毛至輕也而不能自舉夫

飄於清風

舉鴻毛以見膠漆

則橫行四海故事有簡而功成

者因也今趙萬乘之強國也前漳滏

後志滏水在鄴

右常山

左河間北有代帶甲百萬嘗抑強秦

元作齊此言蘇秦從時也

四

十餘年而秦不得所欲由是觀之趙之於天下也不

輕今君易萬乘之強趙而慕思不可得之小梁

不可復得

歸也意者相國以罪亡梁與

臣竊為君不取也君曰善

君字誤

自是

之後衆人廣坐之中未嘗不言趙人之長者也未嘗

不言趙俗之善者也

建信君貴於趙公子魏牟過趙趙王迎之顧反至坐

迎客

面之有顧則反

前有尺帛且令工人以為冠工見客來也困

避趙王曰公子乃驅後車幸以臨寡人願聞所以為

天下魏牟曰王能重王之國若此尺帛則王之國大

治矣趙王不說形於顏色曰先王

元作生

不知寡人不

肖使奉社稷豈敢輕國若此魏牟曰王無怒請為王

說之曰王有此尺帛何不令前郎中以為冠王曰郎中

不知為冠魏牟曰為冠而敗之奚虧於王之國

虧猶指

而王必待工而後乃使之今為天下之工所與治國之人或

非也社稷為虛戾先王不血食而王不以與工乃與

幼艾

趙歧曰艾美好

且王之先帝

帝王皇人君之尊稱此與稱秦孝公為先王者同也

駕犀首

駕駮以御馬駒也陳軫傳言衍與燕趙之犀首有故蓋衍雖相魏實趙任之為外相也

驂馬服以與秦角逐

角有闕意

秦當時避

元作適

其鋒今

王憧憧

往來不絕貌

乃輦建信以與強秦角逐臣恐秦折

王之輅

元作拑

也輅車旁也以輦喻故云

或謂建信君君

補

之所以事王者色也葺之所以事王

者智也

韋趙人名

色老而衰智老而多以日多之智而逐

衰惡之色君必困矣建信君曰奈何曰並驥而走者

五里而罷

音疲

乘驥而御之不倦而取道多君令葦乘

獨斷之車

不與之分治

御獨斷之勢以居邯鄲令之內治

國事外刺諸侯

刺言探候其事

則葦之事有不言者矣

所治者多

不暇悉言於上

君因言王而重責之葦之軸令折矣

不勝多事之任

建信君再拜受命入言於王厚任葦以事而

元作能

重

責之未期年而葦亡走矣

庖謂奸人之不可知甚矣智知所無奈何彼厚任以

事葦以為不世之遇矣。彈力畢處，恐不給焉。而不知建信之困之也。故國有奸人，賢智之得全者寡矣。

苦成常

未詳

謂建信君曰：天下公從

公猶同

而獨以趙惡秦

言從者皆惡秦也。而世獨言趙。

何也？魏殺呂遼

元作遺

而天下交之

天下惡秦，秦重遼，故殺遼而諸國交之。然則秦惡魏深矣。

今收河間

不封文信

於是與

殺呂遼，何以異

文言亦秦所重，今不與地，秦必惡趙。

君唯飾

元作虛

虛

覺也。偽文信侯

虛與之河間。猶且知之也

如是秦猶知其不善已。况收河間乎。

從而有功乎？何患不得收河間？從而無功收河間，何

益也。

希寫

趙人

見建信君建信君曰文信侯之於僕也甚無禮

秦使人來仕僕官之丞相

使為丞相官屬

爵五大夫文信侯

之於僕也甚矣其無禮也

言已待之厚彼不宜無禮

希寫曰臣以

為今世用事者不知商賈建信君悖然曰足下卑用

事者而高商賈乎曰不然夫良商不與人爭買賣之

賈而謹司時

司伺同

時賤而買雖貴已賤矣時貴而賣

雖賤已貴矣昔者文王

衍之字

拘於牖里而武王羈於

玉門

項羽紀成華北門注玉門此事不經見

卒斬紂之頭而懸於太白

者名旗是武王之功也今君不能與文信侯相抗以權

而責文信侯少禮臣竊為君不取也

魏尅

音介元作尅字者無之

謂建信君曰人有置係蹄者

用繩以骨獸蹄

而得虎虎怒決蹠而去蹠獸足虎之情非不愛其蹠也

然而不以環寸之蹠害七尺之軀者權也今有國非

直七尺軀也而君之身於王非環寸之蹠也言王且以愛國

故去願公之熟圖之也

秦攻趙鼓鐸之音聞於北堂希卑趙人曰夫秦之攻趙不

宜急如此此召兵也

兵趙兵內應者蓋以鼓鐸為信

必有大臣欲衡

者耳

衡即機

王欲知其人旦日贊羣臣而坊之

贊者美其事以

開說者

先言橫者則其人也建信君果先言橫

齊人李伯見孝成王成王說之以為代郡守而居無幾

何人告之反孝成王方饋不墮食

饋餽同方食而祭不墮失匕筋異矣

無幾何告者復至孝成王不應已乃使使者伯之使言

齊舉兵擊燕恐其以擊燕為名而以兵襲趙故發兵

自備今燕齊已合臣請要其敝

兩國戰必有一疲因以兵邀擊之

而

地可多割自是之後為孝成王從事於外者無自疑於中者

為齊獻書趙王曰臣一見而能令王坐而天下致名實

元作實即下致也

而臣切怪王之不試見臣而窮臣也

窮猶困也

困於不得見

羣臣必多以臣為不能者故王重見臣也

重猶

難以臣為不能者非他欲用王之兵者也

非若無也則交

有所偏者也

言責趙與諸國為私

非然則智不足者也非然則

欲以天下之重恐王而取行者也

王畏懼之必行其說

臣以齊

循事王王能亡燕能亡韓魏能敗秦能孤秦臣以衍

為

字齊致尊名於王天下孰敢不致尊名於王臣以齊

致地於王天下孰敢不致地於王臣以齊為王求名

於燕及韓魏孰敢辭之臣之能也其前可見已言可

見於

未効之前齊先重王故天下盡重王行重王無齊天下必

盡輕王也秦之強以無齊行之故重王燕韓補魏自

以無齊故重王趙得齊故今王無齊獨安能無重天

四國無齊

下猶四國故勸王無齊者非智不足則不忠者也非

重趙

然則欲用王之兵成其私者也非然則欲輕王以天下之重取行於王者也非然則位尊而能卑者也願王之熟慮無齊之利害也

趙使趙莊合從欲代齊齊請効地趙因賤趙莊齊明為謂趙王曰齊畏從人之合也故効地今聞趙莊賤張

勲貴

勲蓋敗從者

齊必不効地矣趙王曰善乃召趙莊而

貴之

翟章從梁來甚善趙王趙王三延之以相翟章辭不受

田駟謂柱國韓向

柱國楚官
蓋趙亦有

曰臣請為卿刺之客若

死

客謂

則王必怒而誅建信君

疑其殺章
欲以專事

建信君死

則卿必為相矣建信君不死以為交終身不敝

以故
章故

建信
交之卿因以德建信君矣

馮忌為廬陵君

孝成母弟
見趙記

謂趙王曰王之逐廬陵君為

燕也王曰吾所以重者無燕秦也

無如
二國

對曰秦王

昭

以虞卿為言而王不逐也

前事耳
非今

今燕一以廬陵君

為言而王逐之是王輕強秦而重弱燕也王曰吾非

為燕也吾固將逐之然則王逐廬陵君又不為燕也

行逐愛弟

行所

又兼無燕秦臣竊為大王不取也

馮忌請見趙王行人見之馮忌接手

交兩手

俛

元作免

首欲

言而不敢王問其故對曰客有見人於服子者未已

而請其罪服子曰公之客獨有三罪望我而笑是狎

也談語而不稱師是倍也

倍言背其師

交淺而言深是亂

也客曰不然夫望人而笑是和也言而不稱師是庸

說也

言之常者人所同稱非必師也

交淺而言深是忠也昔者堯見

舜於草茅之中席隴

設席

而廕庀桑

桑之能庇人者於之取廕

陰移而受天下傳伊尹負鼎俎而干湯姓名未著而受三公使夫交淺者不可以深談則天下不傳而三

公不得也

行趙王曰三字

今外臣交淺而欲深談可乎王曰

請奉教於是馮忌乃談

此忌初見之談也應在平原謂馮忌之上然亦得為此史

本其初言之故因舊

客見趙王曰臣聞王之使人買馬也有之乎王曰有之何故至今不遣王曰未得買馬之工也對曰王何不

遣建信君乎王曰建信君有國事又不知相馬曰王
何不遣紀姬乎王曰紀姬婦人也不知相馬對曰買
馬而善何補於國王曰無補於國買馬而惡何危於
國王曰無危於國對曰然則買馬善而若惡皆無危
補於國然而王之買馬也必將待工今治天下舉錯
非也舉置也有
舉有置國家為虛戾而社稷不血食然而王
不待工而與建信君何也趙王未之應也客曰燕郭
之法有所謂桑雍者雍癰同桑中有蠹則
外破魂如人之癰王知之乎

王曰未之聞也所謂柔雍者便辟左右之人及夫人

優愛孺子也

優饒也言愛之甚一曰倡

此皆能乘王之醉昏而求

所欲於王者也是能得之於內則大臣為之枉法於

外矣故日月暉於外其賊在於內

說林訓月照天下食於詹諸

謹

備其所憎而禍在於所愛

彪謂王斗魏牟及此三士其言若出一口所謂理義

人心之所同然者與至於此章肆直而慈惠尤可喜可愛有國有家者宜寘之座右

悼襄王

孝成子元年始皇三年丁巳

秦召春平侯

及平都皆趙人

因留之泄

元作世

鈞

秦人為之謂文信

侯曰春平侯者趙王之所甚愛也而郎中甚妬之故
相與謀曰春平侯入秦秦必留之故謀而入之秦今
君留之是空絕趙而郎中之計中也故君不如遣春
平侯而留平都侯春平侯者言行於趙王必原割趙
以事君而贖平都侯文信侯曰善因於接意而遣之

趙記二
年有

幽王

悼襄子元年
始
皇十二年丙寅

文信侯出走

始皇十年免相就
十二年徙蜀飲酖

死

與司空馬

不韋
吏也

之趙

趙以為守相

守假官也
馬為之

秦下甲而攻趙司空馬說趙

王曰文信侯相秦臣事之為尚書

秦官屬
少府

習秦事今

大王使守小官習趙事請為大王設秦趙之戰

設者
無其

事施陳
為之

而親觀其孰勝趙孰與秦大曰不如民孰與

之衆曰不如金錢粟孰與之富曰弗如國孰與之治

曰不如相孰與之賢曰不如將孰與之武曰不如律

令孰與之明曰不如司空馬曰然則大王之國百舉

而無及秦者大王之國亡趙王曰卿不遠趙而惠教

以國事願於因計

因非正為之猶秦王謂陳軫以其餘為寡人計也

司空馬

曰大王裂趙之半以賂秦秦不接刃而得趙之半秦

必說內惡趙之守

秦雖說於得地趙猶有守之者秦所患也

外恐諸侯之

救秦必受之

患於有守有救則其受之不得不忍

秦受地而卻

元作郤

兵

趙守半國以自存秦銜賂以自強山東必恐亡趙自

危

趙亡則五國有唇亡之憂

諸侯必懼懼而相救則從事可成臣

請為大王約從從事成則是大王名亡趙之半實得

山東以敵秦秦不足亡趙王曰前日秦下甲攻趙趙

賂之以河間十二縣地削兵弱卒不免秦患今又割

趙之半以強秦力不能自存因以亡矣願卿更計更猶

易司空馬曰臣少為秦刀筆謂為尚書也筆以書札刀削其不當者以

官長而守小史其官之長任之為吏未嘗為兵為猶治也馬謙言臣元

百請為大王悉趙兵以遇與秦接戰趙王不能將不用馬

司空馬曰臣効愚計大王不用是臣無以事大王願

自請猶乞骸骨司空馬去趙渡平原平原津令列女傳有趙津吏蓋

此官也郭遺勞而問秦兵下趙上客從趙來趙事何如

司空馬言其為趙王計而不元作勿用趙必亡平原令

曰以上客料之趙何時亡司空馬曰趙將武安君

李牧

期年而亡若殺武安君不過半年趙王之臣有韓倉

者以曲合於趙王

曲不正也

其交甚親其為人疾賢妬功

臣今國危亡王必用其言武安君必死韓倉果惡之

惡牧王令人代

使趙趙顏聚代牧

武安君至使韓倉數之

數列其罪

曰將軍戰勝王觴將軍將軍為壽於前上趙王壽而捍也

首

刃名蓋其首如七漢鹽鐵論荆軻懷數年之謀而不就者尺八七不足恃也捍衛也誣其以七首

自衛如欲刺王然

當死武安君曰緹名病鉤

短鉤如鉤

身大臂短

不能及地起居不敬

起居問王起居也拜不及地為不敬

恐懼死罪於

前

不敬者其罪死故以此懼

故使工人為木村以接手上若不信

緹請以出示出之袖中以示韓倉狀如振柎

柎蓋為木

接手可以就地因以舉身也集韻柎門槩也又纏之相柎也與柎同音哀犁棘也疑此木類此故名

以布願公入明之韓倉曰受命於王賜將軍死不赦

臣不敢言武安君北面再拜賜死

拜賜死之命

縮劍將自

誅

縮當作抽也

乃曰人臣不得自殺宮中過

元作

司

衍空

馬門趨甚疾

此言牧之知禮也而史言牧不受命捕得斬之不知遺捨此何

所開而云乎

出諺

元作許

門也

諺別也

右舉劔將自誅臂短不

能及銜劔徵之於柱以自刺

徵猶驗也口銜劔不自知其可死即柱以為驗

也 武安君死五月趙亡

此七年邯鄲為秦

平原今見

諸公必為之言曰嗟嗟乎

嗟亦

司空馬又以謂

元作為

司空馬逐於秦非不智也去趙非不肖也趙去司空

馬而亡國國亡者非無賢人不能用也

元在秦策彪謂從橫之說

皆有所偏而從人欲合六弱以攻一強其勢若可為也患諸侯之一耳使諸侯而明於事變不惑小利

不脩小怨併力合處而西雖不可以大有為其於楚
秦有餘惜乎當時不知此也自蘇秦死從約不堅秦
兵四出諸侯挫於走北其氣奪矣司空馬欲以此時
割趙之半說秦而反其兵因以復合天下之從豈不
認哉夫以全趙猶惴惴不自保彼安能守半趙以自
存乎秦有并吞天下之心雖得半趙不盡不止而何
以說之諸侯勢去自秦申不能從以難秦司空馬獨
能之乎故趙幽之亡罪在用韓倉而故李牧無與司
空馬平原令
非篤論也

秦使王翦攻趙趙使李牧司馬尚禦

元作御

之李牧數破

走秦軍殺秦將桓齮王翦惡之乃多與趙王寵臣郭
開等金使為反間曰李牧司馬尚欲與秦反趙以多

取封於秦趙王疑之使趙葱及顏聚史作聚代將斬李

牧廢司馬尚後五元作三月王剪因急擊大破趙殺趙

軍虜趙王遷及其將顏聚遂滅趙牧傳有

凡六十三章

戰國策卷六